

列子序

列子姓列名禦寇鄭人也居鄭圃四十年人無識者初事
壻立子後師老商氏友伯高子進二子之道九年而後能
御風而行弟子嚴恢問曰所爲問道者爲富乎列子曰桀
紂唯輕道而重利是以亡其書凡八篇列子蓋有道之士
而莊子亟稱之今汴梁鄭州圃田列子觀卽其故隱唐封
冲虛真人書爲冲虛真經

此以序或道義所有若刻書者所爲當云冲虛至道真經不
當去至道字也道藏何時編錄在景祐四年如錦前卷當

再考

世法堂本亦作壹字本以字作壹者誤多一也

世法堂本下二字

列子沖虛真經卷上

天瑞第一

子列子居鄭圃四十年人無識者國君卿大夫眎之猶衆庶也國不足將嫁於衛弟子曰先生往無反期弟子敢有所謂先生將何以教先生不聞壺丘子林之言乎子列子笑曰壺子何言哉雖然夫子嘗語伯昏瞽人吾側聞之試以告女其言曰有生不生有化不化不生者能生生不化者能化化生者不能不生化者不能不化故常生常化常生常化者無時不生無時不化陰陽爾四時爾不生者疑獨不化者徃復徃復其際不可終疑獨其道不可窮黃帝書曰谷神不死是謂玄牝玄牝之門是謂天地之根綿綿

世法堂本

世法堂本

若存用之不勤故生物者不生化物者不化自生自化自
 形自色自智自力自消自息謂之生化形色智力消息者
 非也子列子曰昔者聖人因陰陽以統天地夫有形者生
 於無形則天地安從生故曰有太易有太初有太始有太
 素太易者未見氣也太初者氣之始也太始者形之始也
 太素者質之始也氣形質具而未相離故曰渾淪渾淪者
 言萬物相渾淪而未相離也視之不見聽之不聞循之不
 得故曰易也易無形埒易變而為一變而為七七變而
 為九九變者究也乃復變而為一一者形變之始也清輕
 者上為天濁重者下為地冲和氣者為人故天地含精萬
 物化生子列子曰天地無全功聖人無全能萬物無全用

生形 養色 味指 高物 言生 生形 養聲 色味 造化

故天職生覆地職形載聖職教化物職所宜然則天有所
 短地有所長聖有所否物有所通何則生覆者不能形載
 形載者不能教化教化者不能遠所宜宜定者不出所位
 故天地之道非陰則陽聖人之教非仁則義萬物之宜非
 柔則剛此皆隨所宜而不能出所位者也故有生者有生
 生者有形者有形形者有聲者有聲聲者有色者有色色
 者有味者有味味者生之所生者死矣而生生者未嘗終
 形之所形者實矣而形形者未嘗有聲之所聲者聞矣而
 聲聲者未嘗發色之所色者彰矣而色色者未嘗顯味之
 所味者嘗矣而味味者未嘗呈皆無為之職也能陰能陽
 能柔能剛能短能長能圓能方能生能死能暑能涼能浮

世法本多此字

既刻除注理通氣力治解
明人利多酒留注此字

張注音皆也

能沉能宮能商能出能沒能玄能黃能其能苦能羶能香

無知也無能也而無不知也而無不能也子列子適衛食

於道從者見百歲髡髻攢蓬而指顧謂弟子百豐曰唯予

與彼知而未嘗生未嘗死也此過養乎過歡乎種有幾物

之變化種數有幾若蠅為鶉得水為鱉上土

之際則為蠅蠓之衣請生於陵屯則為陵鳥車陵鳥得

鬱栖壤則為鳥足草鳥足之根為蟻蟪其葉為胡蝶

胡蝶胥也化而為蟲生竈下其狀若脫其名曰駒投名駒

撥干日化而為鳥其名曰乾餘骨鳥乾餘骨之沫為斯彌

斯彌為食醯蟻類食醯願格食醯願整生乎食醯黃軹食

黃軹生乎九猷九猷生乎督芮蝨督芮生乎腐蠶西羊

肝化為地臯馬血之為轉燐也人血之為野火也鷄之為

鷄鷄之為布穀布穀久復為鷄也燕之為蛤也田鼠之為

鶉也朽氏之為魚也老非之為芘也老蒯之為援也魚卵

之為蟲宜爰之獸自孕而生曰類鐵河澤之鳥視而生

曰鷓鷓名鳥純鷓其名大腰純雉其名穉蜂思士不妻而感恩

女不夫而孕后稷生乎巨跡伊尹生乎空桑厥昭生乎濕

醢鷄生乎酒羊奚草名比乎不筍父竹生青寧青寧生程

名程生馬馬生人人久入於機萬物皆出於機皆入於機

黃帝書曰形動不生形而生影聲動不生聲而生響無動

不生無而生有形必終者也天地終乎與我偕終終進乎

不知也道終乎本無始進乎本不又有生則復於不生有

鷓

鷓

鷓

鷓

鷓

鷓

世法本多此字

形則復於無形。不生者非本不生者也。無形者非本無形者也。生者理之必終者也。終者不得不終。亦如生者之不得不生而欲恒其生。畫其終。或於數也。精神者天之分。骨骸者地之分。屬天清而散。屬地濁而聚。精神離形各歸其真。故謂之鬼。鬼歸也。歸其真宅。黃帝曰：精神入其門，骨骸反其根，我尚何存。人自生至終，大化有四：嬰孩也，少壯也，老耄也，死亡也。其在嬰孩，氣專志一，和之至也。物不傷焉。德莫加焉。其在少壯，則血氣飄溢，欲慮克起，物所攻焉。德故衰焉。其在老耄，則欲慮柔焉，體將休焉。物莫先焉。雖未及嬰孩之全，方於少壯間矣。其在死亡也，則之於息焉。反其極矣。孔子遊於太山，見榮啓期行乎郕之野，鹿裘帶索。

鼓琴而歌。孔子問曰：先生所以樂何也？對曰：吾樂甚多。天生萬物，唯人為貴，而吾得為人，是一樂也。男女之別，男尊女卑，故以男為貴，吾既得為男矣，是二樂也。人生有不見日月，不免襁褓者，吾既已行年九十矣，是三樂也。貧者士之常也，死者人之終也，處常得終，當何憂哉？孔子曰：善乎！能自寬者也。林類年且百歲，底春被裘，拾遺穗於故畦，並歌並進。孔子適衛，望之於野，顧謂弟子曰：彼叟可與言者。試往訊之。子貢請行，逆之隴端，面之而美曰：先生曾不悔乎？而行歌拾穗。林類行不留，歌不輟。子貢叩之不已，乃仰而應曰：吾何悔邪？子貢曰：先生少不勤行，長不競時，老無妻子，死期將至，亦有何樂？而拾穗行歌乎？林類笑曰：吾之

崇德書院
所以為樂人皆有之而反以為憂少不勤行長不競時故
能壽若此老無妻子死期將至故能樂若此子貢曰壽者
人之情死者人之惡子以死為樂何也林類曰死之與生
一往一反故死於是者安知不生於彼故吾知其不相若
矣吾又安知營營而求生非惑乎亦又安知吾今之死不
愈昔之生乎子貢聞之不喻其意遂以告夫子夫子曰吾
知其可與言果然然彼得之而不盡者也子貢倦於學告
仲尼曰願有所息仲尼曰生無所息子貢曰然則賜息無
所乎仲尼曰有焉耳望其墳墓如也宰如也墳如也雨如
也則知所息矣子貢曰大哉死乎君子息焉小人伏焉仲
尼曰賜汝知之矣人皆知生之樂未知生之苦知老之憊

年等

未知老之憊知死之惡未知死之息也晏子曰善哉古之
有死也仁者息焉不仁者伏焉死也者德之微也古者謂
死人為歸人夫言死人為歸人則生人為行人矣行而不
知歸失家者也一人失家一世非之天下失家莫知非焉
有人去鄉土離六親廢家業遊於四方而不歸者何人哉
世必謂之為狂蕩之人矣又有人鍾重賢形世生矜巧能
脩名譽誇張於世而不知已者亦何人哉世必以為智謀
之士此二者胥失者也而世與一不與一唯聖人知所與
知所去或謂子列之曰子奚貴虛列子曰虛者無貴也子
列子曰非其名也莫如虛靜莫如虛靜也虛也得其居矣取
也與也失其所矣事之破碼而後有舞仁義者弗能復也

歸也

為與
致同

粥熊曰運轉亡已天地密移疇覺之哉故物損於彼者盈於此成於此者虧於彼損盈成虧隨世生隨死往來相接間不可損疇覺之哉凡一氣不頓進一形不頓虧亦不覺其成不覺其虧亦如人自世生至老貌色智能亡日不異皮膚爪髮隨世生隨落非嬰孩時有停而不易也間不可覺俟至後知把國有人憂天地崩墜身亡所寄廢寢食者又有憂彼之所憂者因往曉之曰天積氣耳亡處亡氣若屈伸呼吸終日在天中行止柰何憂崩墜乎其人曰天果積氣日月星宿不當墜邪曉之者曰日月星宿亦積氣中之有光耀者只使墜亦不能有所中傷其人曰柰地壞何曉者曰地積塊耳充塞四虛亡處亡塊若踏步此蹈終日

在地上行止柰何憂其壞其人舍然大喜曉之者亦舍然大喜長廬子聞而笑之曰虹霓也雲霧也風雨也四時也此積氣之成乎天者也山嶽也河海也金石也水火也此積形之成乎地者也知積氣也知積塊也奚謂不壞夫天地空中之一細物有中之最巨者難終難窮此固然矣難測難識此固然矣憂其壞者誠為大遠言其不壞者亦為未是天地不得不壞則會歸於壞遇其壞時奚為不憂哉子列子聞而笑曰言大地壞者亦謬言天地不壞者亦謬壞與不壞吾所不能知也雖然彼一也此一也故生不知死死不知生來不知去去不知來壞與不壞吾何容心哉舜問乎丞曰道可得而有乎曰汝身非汝有也汝何得有

夫道舜曰吾身非吾有孰有之哉曰是天地之委形也。生非汝有。是天地之委和也。性命非汝有。是天地之委順也。孫子非汝有。是天地之委蛇也。故行不知所往。處不知所持。食不知所以。天地強陽氣也。又胡可得而有邪。齊之國氏大富。宋之向氏大貧。自宋之齊。請其術。國氏告之曰。吾善為盜。始吾為盜也。一年而給。二年而足。三年大穰。自此以往。施及州閭。向氏大喜。喻其為盜之言。而不喻其為盜之道。遂踰垣鑿室。手目所及。亡不探也。未及時以賊獲罪。沒其先居之財。向氏以國氏之謬已也。往而怨之。國氏曰。若為盜若何。向氏言其狀。國氏曰。嘻。若矢為盜之道。至此乎。今將告若矣。吾聞天有時。地有利。吾盜天地之時利。雲

壞 賦釋文如掌反亦壞 業壞
 又集初壞壞壞均汝而反則
 休壞心子以也或說亦與

雨之滂潤。山澤之產育。以生吾禾。殖吾稼。築吾垣。建吾舍。陸盜禽獸。水盜魚鼈。亡非盜也。夫禾稼土木禽獸魚鼈皆天之所生。豈吾之所有。然吾盜天而無殃。夫金玉珍寶穀帛財貨人之所聚。豈天之所與。若盜之而獲罪。孰怨哉。向氏入或以為國氏之重罔已也。過東郭先生問焉。東郭先生曰。若一身庸非盜乎。盜陰陽之和以成若生。載若形。况外物而非盜哉。誠然。天地萬物不相離也。認而有之。皆或也。國氏之盜公道也。故亡殃。若之盜私心也。故得罪。有公私者亦盜也。亡公私者亦盜也。公公私私天地之德。知天地之德者。孰為盜耶。孰為不盜耶。

官制未作惟法

世尊其善

黃帝即位十有五年喜天下戴已養正命娛耳目供鼻口
 焦然肌色所黥昏然五情爽惑又十有五年憂天下之不
 治竭聰明進智力營百姓焦然肌色所黥昏然五情爽惑
 黃帝乃喟然讚曰朕之過濫矣養一已其患如此治萬物
 其患如此於是放萬機舍宮寢去直侍徹鍾懸減厨膳退
 而閒居大庭之館齋心服形三月不親政事晝寢而夢遊
 於華胥氏之國華胥氏之國在舛州之西台州之北不知
 斯齊國幾千萬里蓋非舟車足力之所及神遊而已其國
 無帥長自然而已其民無嗜慾自然而已不知樂生不知
 惡死故無夭殤不知親已不知疎物故無愛憎不知背逆
 不知向順故無利害都無所愛惜都無所畏忌入水不溺

世尊

入火不熱斫撻無傷痛指撻無疥癢乘空如履實寢虛若
 處狀雲霧不礙礙其視雷霆不亂其聽美惡不滑其心
 山谷不躓其步神行而已黃帝既寤怡然自得召天老力
 牧太山稽告之曰朕閒居三月齋心服形思有以養身治
 物之道弗獲其術疲而睡所夢若此今知至道不可以情
 求矣朕知之矣朕得之矣而不能以告若矣又二十有八
 年天下大治幾若華胥氏之國而帝登假百姓號之二百
 餘年不輟列姑射山在海河洲中山上有神人焉吸風飲
 露不食五穀心如淵泉形如處女不徇不愛仙聖為之臣
 不畏不怒原慈為之使不施不惠而物自足不聚不歛而
 已無愆陰陽常調日月常明四時常若風雨常均字育常

更原本作康張注康當作更則
字為德波

時年穀常豐而上無札傷人無夫惡物無疵癘鬼無靈響
焉。列子師老商氏友伯高子進二子之道乘風而歸尹生
聞之從列子居數月不省舍因問請斬其術者十反而十
不告尹生懟而請辭列子又不命尹生退數月意不已又
往從之列子曰女何去來之頻尹生曰曩章戴有請於子
子不我告固有憾於子今復脫然是以又來列子曰曩吾
以汝為達今汝之鄙至此乎姬將告女所學於夫子者矣
自吾之事夫子友若人也三年之後心不敢念是非口不
敢言利害始得夫子一眴而已五年之後心康念是非口
康言利害夫子始一解頰而笑七年之後從心之所念康
無是非從口之所言康無利害夫子始一引吾竝席而坐

音康
名尹生

九年之後橫心之所念橫口之所言亦不知我之是非利
害歟亦不知彼之是非利害歟亦不知夫子之為我師若
人之為我友內外進矣而後眼如耳耳如鼻鼻如口無不
同也心凝形釋骨肉都融不覺形之所倚足之所履隨風
東西猶木葉幹殼竟不知風乘我邪我乘風乎今女居先
生之門曾未浹時而懟憾者再三汝之片體將氣所不受
汝之一節將地所不載履虛乘風其可幾乎尹生甚怍屏
息良久不敢復言列子問關尹曰至人潛行不空蹈火不
熱行乎萬物之上而不慄請問何以至於此關尹曰是純
氣之守也非智巧異敢之列姬魚語女凡有貌像聲色者
皆物也物與物何以相遠也夫奚足以至乎先是色而已

列音
例居
作居
吾魚

無與稽曰伯昏子皆人在也

鄧翼

選書

象

則物之造乎不形而止乎無所化夫得是而窮之者焉得而正焉彼將處乎不深之度而藏乎無端之紀游乎萬物之所終始壹其性養其氣舍其德以通乎物之所造夫若是者其天守全其神無郤物奚自入焉夫醉者之墜於車也雖疾不死骨節與人同而犯害與人異其神全也乘亦弗知也墜亦弗知也死生驚懼不入乎其習是故選物而不惜彼得全於酒而猶若是而况得全於天乎聖人藏於天故物莫之能傷也列禦寇為伯昏無人射引之盈貫措盃水其肘上發之鏑矢復沓方矢復寓當是時也猶象人也伯昏無人曰是射之射非不射之射也當與汝登高山履危石臨百仞之淵若能射乎於是無人遂登高山履危

記於此處以美切

惴

私名

更讀

本

石臨百仞之淵背透巡足二分垂在外揖禦寇而進之禦寇伏地汗流至踵伯昏無人曰夫至人者上闕青天天下潛黃泉揮斥八極神氣不變今汝怵然有恂目之志爾於中也殆矣夫范氏有子曰子華善養私名舉國服之有龍於晉君不仕而居三卿之右目所偏視晉國爵之口所偏肥晉國黜之遊其庭者侔於朝子華使其俠客以智鄙相攻強弱相凌雖傷破於前不用介意終日夜以此為戲樂國殆成俗禾生子伯范氏之上客出行經垆外宿於田更商丘開之舍中夜禾生子伯二人相與言子華之名勢能使存者亡亡者存富者貧貧者富商丘開先窘於饑寒潛於牖北聽之因假糧荷畚之子華之門子華之門徒皆世族

也助始 也助始 也助始 也助始 也助始 也助始 也助始 也助始 也助始 也助始

也。縞衣乘軒，緩步闊視，顧見商丘開年老力弱，面目黧黑，衣冠不檢，莫不聒之。既而狎侮欺詒，攘袂捩腕，所不為。商丘開常無愠容，而諸客之技，單憊於戲笑，遂與商丘開俱乘高臺於眾中。漫言曰：有能自投下者，賞百金。眾皆競應。商丘開以為信然，遂先投下，形若飛鳥，揚於地，翫骨無礙。范氏之黨以為偶然，未詎恠也。因復指河曲之淫隈曰：彼中有寶珠，冰凍可得也。商丘開復從而冰之，既出，果得珠焉。眾昉同疑。子華昉令豫肉食衣帛之次，俄而范氏之藏大火，子華曰：若能入火取錦者，從所得多少，賞若。商丘開往無難色，入火往還，埃不漫，身不焦。范氏之黨以為有道，乃共謝之曰：吾不知子之有道，而誕子，吾不知子之神人。

也助始 也助始 也助始 也助始 也助始 也助始 也助始 也助始 也助始 也助始

而辱子，子其愚我也。子其聾我也。子其盲我也。敢問其道。商丘開曰：吾亡道，雖吾之心亦不知，所以雖然有一於此，試與子言之。曩子二客之宿吾舍也，聞譽范氏之勢，能使存者亡，亡者存，富者貧，貧者富，吾誠之無二心，故不遠而來。及來以子黨之言，皆實也。唯恐誠之之不至，行之之不及，不知形體之所措，利害之所存也。心一而物亡，逆者如斯而已。今昉知子黨之誕我，我內藏猜慮，外矜觀聽，追幸昔日之不焦溺也，怛然內熱，惕然震悸矣。水火豈復可近哉。自此之後，范氏門徒路遇乞兒馬醫，弗敢辱也。必下車而揖之，宰我聞之，以告仲尼。仲尼曰：汝弗知乎？夫至信之人，可以感物也。動天地，感鬼神，橫六合而無逆者，豈但履

危險入水火而已哉商立開信偽物猶不逆況彼我皆誠哉小子識之周宣王之牧正有役人梁鸞者能養野禽獸委食於園庭之內雖虎狼鵲鴉之類無不馴馴者雌雄在前孳尾成群異類雜居不相搏噬也王處其術終於其身令毛丘園傳之梁鸞曰鸞賤役也何術以告爾懼王之謂隱於爾也且一言我養虎之法凡順之則柔逆之則怒此有血氣者之性也然喜怒豈妄發哉皆適之所犯也夫食虎者不敢以生物與之為其殺之之怒也不敢以全物與之為其碎之之怒也時其飢飽達其怒心虎之與人異類而媚養已者順也故其殺之逆也然則吾豈敢逆之使怒哉亦不順之使喜之夫喜之復也必怒怒之復也常喜皆

不中也今吾心無逆順者也則鳥獸之視吾猶其儕也故遊吾園者不思高林曠澤寢吾庭者不願深山幽谷理使然也顏回問乎仲尼曰吾嘗濟乎觴深之淵矣津人操舟若神吾問焉曰操舟可學邪曰可能游者可教也善游者數能乃若夫没人則未嘗見舟而謾操之者也吾問焉而不告敢問何謂也仲尼曰譖吾與若玩其文久矣而未達其實而固且道與能游者可教也輕水也善游者之數能也忘水也乃若夫没人之未嘗見舟也而謾操之也彼視淵若陵視舟之覆猶其車却也覆却萬物方陳乎前而不得入其舍惡往而不暇以瓦掘者巧以鈎掘者憚以黃金掘者惰巧一也而有所矜則重外也凡重外者拱內孔子

列子 音列 疾音也 前音也 旋音也 之音也 所音也 九音也 執音也 音也 音也 音也 音也

類音也 類音也 類音也

列子曰子之先生坐不齋吾無得而相焉試齋將且復相
之列子入告壺子壺子曰向吾示之以太冲莫朕是殆見
吾衡氣幾也鯨旋之潘為淵止水之潘為淵流水之潘為
淵濫水之潘為淵沃水之潘為淵沈水之潘為淵雍水之
潘為淵汙水之潘為淵肥水之潘為淵是為九淵焉嘗又
與來明日又與之見壺子立未定自失而走壺子曰追之
列子追之而不及反以報壺子曰已滅矣已失矣吾不及
也壺子曰向吾示之以未始出吾宗吾與之虛而倚移不
知其誰何因以為茅靡因以為波流故逃也然後列子自
以為未始學而歸三年不出為其妻爨食絺如食人於市
無親離珠復朴塊然獨以其形立怏然而封戎壺以是終

列子存林

列子 音列 疾音也 前音也 旋音也 之音也 所音也 九音也 執音也 音也 音也 音也 音也

類音也 類音也 類音也

子列子之齊中道而反遇伯昏瞽人伯昏瞽人曰奚方而
反曰吾驚焉惡乎驚吾食於十漿而五漿先饋伯昏瞽人
曰若是則汝何為驚已曰夫內誠不鮮形謀成光以外鎮
人心使人輕乎貴老而整其所患夫漿人特為食羹之貨
無多餘之贏其為利也薄其為權也輕而猶若是而况萬
乘之主身勞於國而智盡於事彼將任我以事而効我以
功吾是以驚伯昏瞽人曰善哉觀乎汝處已人將保汝矣
無幾何而往則戶外之履滿矣伯昏瞽人北面而立敦杖
屐之乎願立有間不言而出賓者以告列子列子提履徒
跣而走壺乎門問曰先生既來曾不廢藥乎曰已矣吾固
告汝曰人將保汝果保汝矣非汝能使人保汝而汝不能

使人無汝保也。而焉用之感也。感豫出異且必有感也。搢而本身又無謂也。與汝遊者莫汝告也。彼所小言盡八毒也。莫覺莫悟何相孰也。楊朱南之沛。老聃西遊於秦。邀於郊。至梁而遇老子。老子中道仰天而嘆曰。始以汝為可教。今不可教也。楊朱不答。至舍。進涓漱巾櫛。脫履戶外。膝行而前曰。向者天子仰天而嘆曰。始以汝為可教。今不可教。弟子欲請夫子辭行。不見。是以不敢。今夫子問矣。請問其過。老子曰。而睚睚而眦眦。而誰與居。大白若辱。盛德若不足。楊朱蹙然變容曰。敬聞命矣。其往也。舍者迎將。家公執席。妻執巾櫛。舍者避席。揚者避席。其反也。舍者負之爭席矣。楊朱過宋東之於逆旅。逆旅人有妾二人。其一人美其

也。四行也。四行也。

一人惡。惡者貴而美者賤。楊子問其故。逆旅小子對曰。其美者自美。吾不知其美也。其惡者自惡。吾不知其惡也。楊子曰。弟子記之。行賢而去自賢之行。安往而不愛哉。天下有常勝之道。有不常勝之道。常勝之道曰柔。常不勝之道曰強。二者亦知而人未之知。故上古之言。強先不己若者。柔先出於己者。先不己若者。至於若己則殆矣。先出於己者。無所殆矣。以此勝一身若徒。以此任天下若徒。謂不勝而自勝。不任而自任也。粥子曰。欲剛必以柔守之。欲強必以弱保之。積於柔必剛。積於弱必強。觀其所積以知禍福之鄉。強勝不若己。至於若己者。剛柔勝出於己者。其力不可量。老聃曰。兵強則滅。木強則折。柔弱勝於己者。其力不

死之徒。狀不必童而智童，智不必童而狀童。聖人取童智而遺童狀，衆人近童狀而疏童智。狀與我童者近而愛之，狀與我異者疏而畏之。有七尺之骸，手足之異，戴髮含齒，倚而趣者，謂之人，而未必無獸心。雖有獸心，以狀而見親矣。傅翼戴角，分牙布爪，仰飛伏走，謂之禽獸，而禽獸未必無人心。雖有人心，以狀而見疏矣。庖犧氏、女媧氏、神農氏、夏后氏、蛇身人面，牛首虎鼻，此有非人之狀，而有大聖之德。夏桀、殷紂、魯桓、楚穆，狀貌七竅皆同於人，而有禽獸之心，而衆人守一狀以求至智，未可幾也。黃帝與炎帝戰於阪泉之野，帥熊羆、狼豹、驅虎爲前驅，鵬鵠、鷹鷂爲旗幟，此以力使禽獸者也。堯使夔典樂，擊石拊石，百獸率舞，籥韶

九成，鳳凰來儀，此以聲致禽獸者也。然則禽獸之心，奚爲異人形音與人異，而不知接之之道？爾聖人無所不知，無所不通，故得引而使之焉。禽獸之智有自然，與人童者，其齊欲攝生，亦不假智於人也。牝牡相偶，母子相親，避害依險，違寒就溫，居則有群，行則有列，小者居內，牡者居外，飲則相携，食則鳴群，太古之時，則與人同處，與人並行，帝王之時，始驚駭散亂矣。逮於末世，隱伏逃竄，以避患害，今東方介氏之國，其國人數數解六畜之語者，蓋偏知之所得。太古神聖之人，備知萬物情態，悉解異類音聲，會而聚之，訓而受之，同於人民，故先會鬼神魑魅，次達八方人民，末聚禽獸蟲蟻，言血氣之類，心智不殊遠也。神聖知其如此，

能部
能部
也

故其所教訓者無所遺逸焉。宋有狙公者，愛狙養之，成群能解狙之意，狙亦得公之心。損其家口，充狙之欲，俄而匱焉。將限其食，恐衆狙之不馴於己也，先誑之曰：「與若芋朝三而暮四，足乎？衆狙皆起而怒，俄而曰：『與若芋朝四而暮三，足乎？』衆狙皆伏而喜。物之以能鄙相籠，皆猶此也。聖人以智籠羣愚，亦猶狙公之以智籠衆狙也。名實不虧，使其喜怒哉？」紀渚子爲周宣王養鬪雞，十日而問雞可鬪已乎？曰：「未也。」方虛驕而恃氣，十日又問曰：「未也。」猶應影響。十日又問曰：「未也。」猶疾視而盛氣，十日又問曰：「幾矣。」雞雖有鳴者，已無變矣。望之似水雞矣，其德全矣。異雞無敢應者，反走耳。惠盎見宋康王，康王蹠足警效，疾言曰：「寡人之所說者，勇有力也，不說爲仁義者也。客將何以教寡人？」惠盎對曰：「臣有道於此，使人雖有勇，刺之不入，雖有力，擊之弗中。大王獨無意邪？」宋王曰：「善。」此寡人之所欲聞也。惠盎曰：「夫刺之不入，擊之不中，此猶辱也。臣有道於此，使人雖有勇，弗敢刺，雖有力，弗敢擊，夫弗敢非無其志也。臣有道於此，使人本無其志也。夫無其志者，未有愛利之心也。臣有道於此，使天下丈夫女子莫不矜然，皆欲愛利之。此其賢於勇有力也。四累之上也。大王獨無意邪？」宋王曰：「此寡人之所欲得也。」惠盎對曰：「孔墨是已。」孔丘墨翟無地而爲君，無官而爲長，天下丈夫女子莫不延頸舉踵而願安利之。今大王萬乘之王也，誠有其志，則四境之內皆得其利矣。其

者勇有力也，不說爲仁義者也。客將何以教寡人？惠盎對曰：「臣有道於此，使人雖有勇，刺之不入，雖有力，擊之弗中。大王獨無意邪？」宋王曰：「善。」此寡人之所欲聞也。惠盎曰：「夫刺之不入，擊之不中，此猶辱也。臣有道於此，使人雖有勇，弗敢刺，雖有力，弗敢擊，夫弗敢非無其志也。臣有道於此，使人本無其志也。夫無其志者，未有愛利之心也。臣有道於此，使天下丈夫女子莫不矜然，皆欲愛利之。此其賢於勇有力也。四累之上也。大王獨無意邪？」宋王曰：「此寡人之所欲得也。」惠盎對曰：「孔墨是已。」孔丘墨翟無地而爲君，無官而爲長，天下丈夫女子莫不延頸舉踵而願安利之。今大王萬乘之王也，誠有其志，則四境之內皆得其利矣。其

賢於孔墨也遠矣宋王無以應惠益趨而出宋王謂左右
曰辯矣客之以說服寡人也

周穆王第三

周穆王時西極之國有化人來入水火貫金石及山川移
城邑乘虛不墜觸實不礙千變萬化不可窮極既已變物
之形又且易人之慮穆王敬之若神事之若君推路寢以
居之引三牲以進之選女樂以娛之化人以爲王之宮室
卑陋而不可處王之厨饌腥蠖而不可饗王之嬪御臙惡
而不可親穆王乃爲之改築土木之功赭堊之色無遺巧
焉五府爲虛而臺始成其高千仞臨終南之上號曰中天
之臺簡鄭衛之處子娥媯靡曼者施芳澤正娥眉設笄珥

也幻化

士也

等

衣阿錫曳齊紈粉白黛黑珮玉環雜芷若以滿之奏承雲
六瑩九韶晨露以樂之月月獻玉衣旦薦玉食化人猶
不舍然不得已而臨之居亡幾何謁王同遊王執化人之
祛騰而上者中天迺止暨及化人之宮化人之宮構以金
銀絡以珠玉出雲雨之上而不知下之接望之若屯雲焉
手目所觀聽鼻口所絀嘗皆非人間之有王實以爲清都
紫微鈞天廣樂帝之所居王俯而視之其宮榭若累塊積
蘇焉王自以居數十年不思其國也化人復謚王同遊所
及之處仰不見日月俯不見河海光影所照王目眩不能
得視音響所來王耳亂不能得聽百骸六藏悸而不凝意
迷精喪請化人求還化人移之王若碩虛焉既寤所坐猶

宗德書院

列子

卷

二

七

世世休想 仙方傳通如此

問

響者之處侍御猶響者之人視其前則酒未清肴未晞王問所從來左右曰王默存耳由此穆王自失者三月而復更問化人化人曰吾與王神游也形奚動哉且曩之所居奚與王之宮曩之所遊奚異王之圃王問恒疑暫亡變化之極疾徐之間可盡模哉王大悅不恤國事不樂臣妾肆意遠游命駕八駿之乘右服鞠華騮而左綠耳右驂赤驥而左白棊義主車則造父為御商泰角丙為右次車之乘右服渠黃而左踰輪左驂盜驪而右山子柏天主車參百為御奈戊為右馳驅千里至于巨蒐氏之國巨蒐氏乃獻白鷄之血以飲王具牛馬之漣以洗王之足及二乘之人已飲而行遂宿于崑崙之阿赤水之陽別日升崑崙之位

聖乳

後世遂賓于西王母觴于瑤池之上西王母為王謠王和之其辭哀焉西觀日之所入一日行萬里王乃歎曰於乎一人不盈于德而諧於樂後世其追數吾過乎穆王幾神人哉能窮當身之樂猶百年乃徂世以為登假焉老成子學幻於尹文先生三年不告老成子請其過而求退尹文先生揖而進之於室屏左右而與之言曰昔老聃之徂西也顧而告予曰有生之氣有形之狀盡幻也造化之所始陰陽之所變者謂之生謂之死窮數達變因形移易者謂之化謂之幻造物者其巧妙其功深固難窮難終因形者其巧顯其功淺故隨起隨滅知幻化之不異生死也始可與學幻矣吾與汝亦幻也

以觀黃帝之宮而封之以貽後世遂賓于西王母觴于瑤池之上西王母為王謠王和之其辭哀焉西觀日之所入一日行萬里王乃歎曰於乎一人不盈于德而諧於樂後世其追數吾過乎穆王幾神人哉能窮當身之樂猶百年乃徂世以為登假焉老成子學幻於尹文先生三年不告老成子請其過而求退尹文先生揖而進之於室屏左右而與之言曰昔老聃之徂西也顧而告予曰有生之氣有形之狀盡幻也造化之所始陰陽之所變者謂之生謂之死窮數達變因形移易者謂之化謂之幻造物者其巧妙其功深固難窮難終因形者其巧顯其功淺故隨起隨滅知幻化之不異生死也始可與學幻矣吾與汝亦幻也

奚須學哉老成子歸用尹文先生之言深忘三月遂能存
亡自在幡校四時冬起雷夏造冰飛者走走者飛終身不
著其術故世莫傳焉子列子曰善爲化者其道密庸其功
同人五帝之德三王之功未必盡皆勇之力或由化而成
孰測之哉覺有八徵夢有六候奚謂八徵一曰故二曰爲
三曰得四曰喪五曰哀六曰樂七曰生八曰死此八者徵
形所接也奚謂六候一曰正夢二曰噩夢三曰思夢四曰
寤夢五曰喜夢六曰懼夢此六者神所交也不識感變之
所起者事至則感其所由然識感變之所起者事至則知
其所由然知其所由然則無所怛一體之盈虛消息皆迫
於天地應於物類故陰氣壯則夢涉大水而恐懼陽氣壯

則夢泣大火而燔灼陰陽俱壯則夢生殺甚飽則夢與甚
饑則夢取是以以浮虛爲疾者則夢揚以沈實爲疾者則
夢溺藉帶而寢則夢蛇飛鳥銜髮則夢飛將陰夢火壯疾
夢食飲酒者憂歌憊者哭子列子曰神遇爲夢形接爲事
故晝想夜夢神形所遇故神凝者想夢自消信覺不語信
夢不達物化之往來者也古之真人其覺自忘其寢不夢
幾虛語哉西極之南隅有國焉不知境界之所接名古莽
之國陰陽之氣所不交故寒暑七辨日月之光所不照故
晝夜七辨其民不食不衣而多眠五旬一覺以夢中所爲
者實覺之所見者妄四海之齊謂中央之國跨河南北越
岱東西萬有餘里其陰陽之審度故一寒一暑昏明之分

察故一晝一夜其民有智有愚萬物滋殖才藝多方有君
臣相臨禮法相持其所云為不可稱計一覺一寐以為覺
之所為者實夢之所見者妄東極之北隅有國曰阜落之
國其土氣常燠日月餘光之照其土不生嘉苗其民食草
根木實不知火食性剛悍強弱相藉貴勝而不尚義多馳
步少休息常覺而不眠周之尹氏大治產其下趣役者侵
晨昏而弗息有老役夫筋力竭矣而使之彌勤晝則呻呼
而即事夜則昏憊而熟寐精神荒散昔昔夢為國君居人
民之上總一國之事游燕宮觀恣意所欲其樂無比覺則
復役人有慰喻其勤者役夫曰人生百年晝夜各分吾晝
為僕虜苦則苦矣夜為人君其樂無比何所怨哉尹氏心

營世事慮鍾家業心形俱疲夜亦昏憊而寐昔昔夢為人
僕趨走作役無不為也數罵杖撻無不至也眠中弁鬻申
呼徹旦息焉尹氏病之以訪其友友曰若位足榮身資財
有餘勝人遠矣夜夢為僕苦逸之復數之常也若欲覺夢
蕪之豈可得邪尹氏聞其友言寬其役夫之程減己思慮
之事疾並少間鄭人有薪於野者遇駭鹿御而擊之斃之
恐人見之也遽而藏諸隍中覆之以蕉不勝其喜俄而遺
其所藏之處遂以為夢焉順途而謀其事傍人有聞者用
其言而取之既歸告其室人曰向薪者夢得鹿而不知其
處吾今得之彼直真夢者矣室人曰若將是夢見薪者之
得鹿邪詎有薪者邪今真得鹿是若之夢真邪夫曰吾撻

得鹿何用知彼夢我夢邪薪者之歸不厭失鹿其夜真夢
藏之之處又夢得之之主爽旦案所夢而尋得之遂訟而
爭之歸之士師士師曰若初真得鹿妄謂之夢真夢得鹿妄
謂之實彼真取若鹿而與若爭鹿室人又謂夢認人鹿無人
得鹿今據有此鹿請二分之一以間鄭君鄭君曰嘻士師將復
夢分人鹿乎訪之國相國相曰夢與不夢臣所不能辨也欲
辯覺夢唯黃帝孔丘今亡黃帝孔丘孰辨之哉且恂士師之
言可也宋陽里華子中年病忘朝取而夕忘夕與而朝忘在
塗則忘行在室則忘坐今不識先後不識今闔室毒之謂史
而下之弗占謁巫而禱之弗禁謁醫而攻之弗已魯有儒生
自媒能治之華子之妻子以居產之半請其方儒生曰此

固非卦兆之所占非析請之所禱非藥石之所攻吾試化
其心變其慮庶幾有瘳乎於是試露之而求衣饑之而求
食幽之而求明儒生欣然告其子曰疾可已也然吾之方
密傳世不以告人試屏左右獨與居室七日從之莫知其
所施為也而積年之疾一朝都除華子既悟迺大怒黜妻
罰子操戈逐儒生宋人執而問其以華子曰曩吾忘也蕩
蕩然不知天地之有無今頓識既往數十年來存亡得失
哀樂好惡擾擾萬緒起矣吾恐將來之存亡得失哀樂好
惡之亂吾心如此也須臾之忘可復得乎子貢聞而怪之
以告孔子孔子曰此非汝所及乎顧謂顏回記之秦人逢
氏有子少而惠及壯而有迷罔之疾聞歌以為哭視白以

部與
甚也
也

為黑饗香以為朽嘗其以為苦行非以為是意之所之天地四方水火寒暑無不倒錯者焉楊氏告其父曰魯之君子多術藝將能已乎汝奚不訪焉其父之魯過陳遇老聃因告其子之證老聃曰汝庸知汝子之迷乎今天下之人皆惑於是非昏於利害同疾者多固莫有覺者且一身之迷不足傾一家一家之迷不足傾一鄉一鄉之迷不足傾一國一國之迷不足傾天下天下盡迷孰傾之哉向使天下之人其心盡如汝子汝孰能正之且吾之言未必非迷况魯之君子迷之郵者焉能解人之迷哉榮汝之糧不若適歸也燕人生於燕長於楚及老而還本國過晉國同行者誑之指城曰此燕國之

城其人愀然變容指社曰曰此若先人之廬乃滄然人哭不自禁同行者啞然人大慙及至燕真見燕國之城社真見先人之廬冢悲心更微

仲尼第四 一曰極智

仲尼閒居子貢入侍而有回援琴而歌孔子聞之果子奚獨憂孔子曰先言爾命故不憂回所以樂也孔子意失矣此吾昔日之言爾

知命之無憂未知樂天知命有憂之大也今告若其實脩
一身任窮達知去來之非我亡變亂於心慮爾之所謂樂
天知命之無憂也曩吾脩詩書正禮樂將以治天下遺來
世非但脩一身治魯國而已而魯之君臣日失其序仁義
益衰情性益薄此道不行一國與當年其如天下與來世
矣吾始知詩書禮樂無救於治亂而未知所以革之之方
此樂天知命者之所憂雖然吾得之矣夫樂而知者非古
人之所謂樂知也無樂無知是真樂真知故無所不樂無
所不知無所不憂無所不為詩書禮樂何棄之有革之何
為顏回北面拜手曰回亦得之矣出告子貢子貢茫然自
失歸家淫思七日不寢不食以至骨立顏回重往喻之乃

反丘門弦歌誦書終日不輟陳大夫聘魯季康孫氏以
孫氏曰吾國有聖人曰非孔丘邪曰是也何以知其聖乎
叔孫曰吾嘗聞之顏回曰孔丘能廢心而用形陳大夫曰
吾國亦有聖人子弗知乎曰聖人孰謂曰老聃之弟子有
亢倉子者得聃之道能以耳視而目聽魯侯聞之大驚使
上卿厚禮而致之亢倉子應聘而至魯侯卑辭請問之亢
倉子曰傳之者妄我能視聽不用耳目不能易耳目之用
魯侯曰此增異矣其道奈何寡人終願聞之亢倉子曰我
體合於心心合於氣氣合於神神合於無其有介然之有
唯然之莛雖遠在八荒之外近在眉睫之內來于我者我
必知之乃不知是我七孔四支之所覺心腹六臟之所知

唯可也
唯可也
唯可也

即
即

其自知而已矣。魯侯大悅，他日以告仲尼。仲尼笑而不答。商太宰見孔子曰：「丘，聖者歟？」孔子曰：「聖則丘何敢，然則丘博學多識者也。」商太宰曰：「三王聖者歟？」孔子曰：「三王善任智勇者，聖則丘弗知。」曰：「五帝聖者歟？」孔子曰：「五帝善任仁義者，聖則丘弗知。」曰：「三皇聖者歟？」孔子曰：「三皇善任因時者，聖則丘弗知。」商太宰大駭曰：「然則孰者為聖？」孔子動容有間曰：「西方之人有聖者焉，不治而不亂，不言而自信，不化而自行，荡荡乎民無能名焉。丘疑其為聖，弗知，真為聖歟？真不聖歟？」商太宰默然心計曰：「孔丘欺我哉！」子夏問孔子曰：「顏回之為人奚若？」子曰：「回之仁賢於丘也。」曰：「子貢之為人奚若？」子曰：「賜之辯賢於丘也。」曰：「子路之為人奚若？」子曰：「由之勇賢於丘也。」曰：「子張之為人奚若？」子曰：「師之莊賢於丘也。」子夏避席而問曰：「然則四子者何為事夫子？」子曰：「居吾語汝。夫回能仁而不能反，賜能辯而不能訥，由能勇而不能怯，師能莊而不能同。兼四子之有以易吾，吾弗許也。此其所以事吾而不貳也。」子列子既師，壺丘子林、友伯昏瞀人乃居南郭。從之處者日數，而不及。雖然，子列子亦微焉。朝朝相與辯，無不聞，而與南郭子連牆二十年，不相謁請。相遇於道，日若不相見者。門之徒役以為子列子與南郭子有敵，不疑。有自楚來者問子列子曰：「先生與南郭子奚敵？」子列子曰：「南郭子貌充心虛，耳無聞目無見，口無言，心無知，形無傷，往將奚為？雖然，試與汝偕往。」闔弟子四十

曰由之勇賢於丘也。曰子張之為人奚若。子曰師之莊賢於丘也。子夏避席而問曰然則四子者何為事夫子。曰居吾語汝。夫回能仁而不能反。賜能辯而不能訥。由能勇而不能怯。師能莊而不能同。兼四子之有以易吾。吾弗許也。此其所以事吾而不貳也。子列子既師。壺丘子林。友伯昏瞀人。乃居南郭。從之處者日數。而不及。雖然。子列子亦微焉。朝朝相與辯。無不聞。而與南郭子連牆二十年。不相謁請。相遇於道。日若不相見者。門之徒役以為子列子與南郭子有敵。不疑。有自楚來者問子列子曰先生與南郭子奚敵。子列子曰南郭子貌充心虛耳無聞目無見口無言心無知形無傷往將奚為雖然試與汝偕往闔弟子四十

人同行見南郭子果若欺魄焉而不可與接顧視子列子
形神不相偶而不可與羣南郭子俄而指子列子之弟子
末行者與言衍衍然若專直而在雄者子列子徒駭之反
舍咸有疑色子列子曰得意者無言進知者亦無言用無
言爲言亦言無知爲知亦知無言與不言無知與不知亦
言亦知亦無所不言亦無所不知亦無所言亦無所知如
斯而已汝奚妄駭哉子列子學也三年之後心不敢念是
非口不敢言利害始得老商一眄而已五年之後心更念
是非口更言利害老商始一解頰而笑七年之後從心之
所念更無是非從口之所言更無利害夫子始一引晉並
席而坐九年之後橫心之所念橫口之所言亦不知我之

是非利害歟亦不知彼之是非利害歟外內進矣而後眼
如耳耳如鼻鼻如口口無不同心凝形釋骨肉都融不覺
形之所倚足之所履心之所念言之所藏如斯而已則埋
無所隱矣初子列子好游壺丘子曰禦寇好游游何所好
列子曰游之樂所玩無故人之游也觀其所見我之游也
觀其所變游乎游乎未有能辨其游者壺丘子曰禦寇之
游固與人同歟而曰固與人異歟凡所見亦恒見其變玩
彼物之無故不知我亦無故務外游不知務內觀外游者
求備於物內觀者取足於身取足於身游之至也求備於
物游之不至也於是列子終身不出自以爲不知游壺丘
子曰游其至乎至游者不知所敵至觀者不知所眦物物

皆游矣物物皆觀矣是我之所謂游是我之所謂觀也故
曰游其至矣乎游其至矣乎龍叔謂文摯曰子之術微矣
吾有疾子能已乎文摯曰唯命所聽然先言子所病之證
龍叔曰吾鄉譽不以爲榮國毀不以爲辱得而不喜失而
弗憂視生如死視富如貧視人如豕視吾如人處吾之家
如逆旅之舍觀吾之鄉如戎蠻之國凡此衆疾醫賞不能
勸刑罰不能威盛衰利害不能易哀樂不能移固不可事
國君交親友御妻子制僕隸此奚疾哉奚方能已之乎文
摯乃命龍叔背明而立文摯自後伺明而望之旣而曰嘻
吾見子之心矣方寸之地虛矣幾聖人也子心六孔流通
一孔不達今以聖智爲疾者或由此乎非吾淺術所能已

也無所由而常生者道也由生而生故雖終而不亡常也
由生而亡不幸也有所由而常死者亦道也由死而死故
雖未終而自亡者亦常也由死而生幸也故無用而生謂
之道用道得終謂之常有所用而死者亦謂之道用道而
得死者亦謂之常季梁之死楊朱望其門而歌隨梧之死
楊朱撫其尸而哭隸人之生隸人之死衆人且歌衆人且
哭且將眇者先睹秋毫耳將聾者先聞蚋飛口將爽者先
辨淄澠鼻將窒者先覺焦朽體將僵者先亟奔佚心將迷
者先識是非故物不至者則不反鄭之圃澤多賢東里多
才圃澤之役有伯豐子者行過東里遇鄧析鄧析顧其徒
而笑曰爲若舞彼來者奚若其徒曰所願知也鄧析謂伯

豐子曰汝知養養之義乎受人養而不能自養者大豕之類也養物而物爲我用者人之力也使汝之徒食而飽衣而息執政之功也長幼羣聚而爲牢籍庖厨之物奚異大豕之類乎伯豐子不應伯豐子之從者越次而進曰大夫不聞齊魯之多機乎有善治土木者有善治金革者有善治聲樂者有善治書數者有善治軍旅者有善治宗廟者羣才備也而無相位者無能相使者而位之者無知使之者無能而知之與能爲之使焉執政者乃吾之所使子奚矜焉鄧析無以應目其徒而退公儀伯以力聞諸侯堂然公言之於周宣王王備禮以聘之公儀伯至觀形懦夫也宣王心惑而疑曰女之力何如公儀伯曰臣之力能折春

也

蠶之股堪秋蟬之翼王作色曰吾之力者能裂犀兕之革曳九牛之尾猶械以弱女折春蠶之股堪秋蟬之翼而力聞天下何也公儀伯長息退席曰善哉王之問也臣敢以實對臣之師有商丘子者力無敵於天下而六親不知以未嘗用其力故也臣以死事之乃告臣曰人欲見其所不見視人所不窺欲得其所不得濟人所不爲故學視者先見與薪學聽者先聞撞鍾夫有易於內者無難於外於外無難故名不出於一家今臣之名聞於諸侯是臣盡師之教顯臣之能者也然則臣之名不以負其力者也以能用其力者也不猶愈於負其力者乎中山公子牟者魏國之賢公子也好與賢人游不恤國事而悅趙人公孫龍樂正

子與之徒笑之。公子牟曰：子何笑牟之悅公孫龍也？與曰：公孫龍之為人也，行無師，學無友，佞給而不中，漫衍而無家，好怪而妄言，欲惑人之心，屈人之口，與韓檀等肆之。公子牟變容曰：何子狀公孫龍之過歟？請問其實。子與曰：吾笑龍之詒孔穿言善射者，能令後鏃中前括，發發相及，矢矢相屬，前矢造準而無絕，落後矢之括猶銜弦視之。若一馬孔穿駭之，龍曰：此未其妙者。逢蒙之弟子曰鴻超，怒其妻而怖之，引烏號之弓，素衛之箭，射其目，矢來注眸子，而眶不礙，矢墜地而塵不揚，是豈智者之言歟？公子牟曰：智者之言固非愚者之所曉。後鏃中前括，鈞後於前矢，注眸子而眶不礙，盡矢之勢也。子何疑焉？樂正子與曰：子龍

言曰係皆
言曰係皆
言曰係皆

之徒焉，得不飾其闕。吾又言其尤者，龍誑魏王曰：有意不心有指不至，有物不盡，有影不移，髮引千鈞，白馬非馬，牴牾未嘗有母，其負類反倫不可勝言也。公子牟曰：子不論至言而以為尤也，尤其在子矣。夫無意則心同，無指則皆至，盡物者常有影不移者說在改也，髮引千鈞勢至等也，白馬非馬形名離也，牴牾未嘗有母非牴牾也。樂正子與曰：子以公孫龍之鳴皆條也，設令發於餘竅，子亦將承之。公子牟默然良久，告退曰：請待餘日。更謁子論堯治天下五十年不知天下治歟，不治歟，不知億兆之願戴已歟，不願戴已歟。顧問左右，左右不知，問外朝，外朝不知，問在野，在野不知，堯乃微服游於康衢，聞童兒謠曰：立我蒸民，莫

匪爾極不識不知頌帝之則堯喜問曰誰教爾為此言童
 兒曰我聞之大夫問大夫大夫曰古詩也堯還宮召舜因
 禪以天下舜不辭而受之關尹喜曰在已無居形物其著
 其動若水其靜若鏡其應若響故其道若物者也物自違
 道道不違物善若道者亦不用耳亦不用目亦不用力亦
 不用心欲若道而用視聽形智以求之弗當矣瞻之在前
 忽焉在後用之彌滿六虛廢之莫知其所亦非有心者所
 能得遠亦非無心者所能得近唯默而得之而性成之者
 得之知而忘情能不為真知真能也發無知何能情發
 不能何能為聚塊也積塵也雖無為而非理也

也實
也
曰一
句也

列子冲虛真經卷下

湯問第五

殷大
天

殷湯問於夏革曰古初有物乎夏革曰古初無物今惡得
 物後之人將謂今之無物可乎殷湯曰然則物無先後乎
 夏革曰物之終始初無極已始或為終終或為始惡知其
 紀然自物之外自事之先朕所不知也殷湯曰然則上下
 八方有極盡乎革曰不知也湯固問革曰無則無極有則
 有盡朕何以知之然無極之外復無無極無盡之中復無
 無盡無極復無無極無盡復無無盡朕以是知其無極無
 盡也而不知其有極有盡也湯又問曰四海之外奚有革
 曰猶齊州也湯曰汝奚以實之革曰朕東行至營人民猶

齊猶
中也

歸墟
尾閭
也
八
紘
也
九
野
也

是也問營之東復猶營也西行至豳人民猶是也問豳之西復猶豳也朕以是知四海四荒四極之不異是也故大小相含無窮極也含萬物者亦如含天地含萬物也固不窮含天地也故無極朕亦焉知天地之表不有大天地者乎亦吾所不知也然則天地亦物也物有不足故昔者女媧氏練五色石以補其闕斷鼈之足以立四極其後共工氏與鯀爭為帝怒而觸不周之山折天柱絕地維故天傾西北日月星辰就焉地不滿東南故百川水潦歸焉湯又問物有巨細乎有脩短乎有同異乎韋曰渤海之東不知幾億萬里有大壑焉實惟無底之谷其下無底名曰歸墟八紘九野之水天漢之流莫不注之而無增無減焉其

天
方
之
中
央
也

中有五山焉一曰岱輿二曰員嶠三曰方壺四曰瀛洲五曰蓬萊其山高下周旋三萬里其頂平處九千里山之中間相去七萬里以為鄰居焉其上臺觀皆金玉其上禽獸皆純縞珠玕之樹皆叢生華實皆有滋味食之皆不老不死所居之人皆仙聖之種一曰一夕飛相往來者不可數焉而五山之根無所連着常隨潮波上下往還不得暫峙焉仙聖毒之訴之於帝帝恐流於西極失羣聖之居乃命禹疆使巨鼈十五舉首而戴之迭為三番六萬歲一交焉五山始峙而不動而龍伯之國有大人舉足不盈數步而暨五山之所一釣而連六鼈合負而趣歸其國灼其骨以數焉於是岱輿員嶠二山流於北極沉於大海仙聖之播

毒
病
也
禹
疆
神
也
北
海

冥靈
不名

終髮
即窮

修
也

遷者巨億計帝憑怒侵滅龍伯之國使阮侵小龍伯之民
 使短至伏羲神農時其國人猶數十丈從中州以東四十
 萬里得焦僥國人長一尺五寸東北極有人名曰諍人長
 九寸荆之南有冥靈者以五百歲為春五百歲為秋上古
 有大椿者以八千歲為春八千歲為秋朽壤之上有菌芝
 者生於朝死於晦春夏之月有蟻蚋者因雨而生見陽而
 死終髮北之北有溟海者天池也有魚焉其廣數千里其
 長稱焉其名為鯤有鳥焉其名為鵬翼若垂天之雲其體
 稱焉世豈知有此物哉大禹行而見之伯益知而名之夷
 堅聞而志之江浦之間生麼蟲其名曰焦螟羣飛而集於
 蚊睫弗相觸也栖宿去來蚊弗覺也離朱子羽方晝拭此

也
也

太形
行

揚眉而望之弗見其形觥俞師曠方夜撫耳俛首而聽之
 弗聞其聲唯黃帝與容成子居空同之上同齋三月心死
 形廢徐以神視塊然見之若高山之阿徐以氣聽砰然聞
 之若雷霆之聲吳楚之國有大木焉其名為檮碧樹而冬
 生實丹而味酸食其皮汁已憤厥之疾齊州珍之渡淮而
 北而化為枳焉鸚鵡不踰濟貉踰汶則死矣地氣然也雖
 然形氣異也性鈞已無相易已生皆全已分皆足已吾何
 以識其巨細何以識其脩短何以識其同異哉太形王屋
 二山方七百里高萬仞本在冀州之南河陽之北北山愚
 公者年且九十面山而居懲山北之塞出入之迂也聚室
 而謀曰吾與汝畢力平險指通豫南達于漢陰可乎雜然

也 辨 猶

也 屢 安

相許其妻獻疑曰以君之力曾不能損魁父之丘如太行王屋何且焉置土石雜曰投諸渤海之尾隱土之北遂率子孫荷擔者三夫叩石墾壤箕畚運於渤海之尾鄰人京城氏之孀妻有遺男始龀跳往助之寒暑易節始一反焉可曲智叟笑而正之曰甚矣汝之不慧以殘年餘力曾不能致山之一毛其如土石何北山愚公長息曰汝心之固固不可徹曾不若孀妻弱子雖我之死有子存焉子又生孫孫又生子子又生子子又生孫子子孫孫無窮匱也而山不加增何苦而不平河曲智叟亡以應操蛇之神聞之懼其不已也告之於帝帝感其誠命夸娥氏二子負二山一厝朔東一厝雍南自此冀之南漢之陰無隴斷焉夸父不

量力欲追日影逐之於隅谷之際渴欲得飲赴飲河渭河渭不足將走北飲大澤未至道渴而死棄其杖尸膏肉所浸生鄧林鄧林彌廣數千里焉大禹曰六合之間四海之內照之以日月經之以星辰紀之以四時要之以太歲神靈所生其物其形或夭或壽唯聖人能通其道夏革曰然則亦有不待神靈而生不待陰陽而形不待日月而明不待殺戮而夭不待將迎而壽不待五穀而食不待繒纊而衣不待舟車而行其道自然非聖人之所通也禹之治水土也迷而失塗謬之一國濱北海之北不知距齊州幾千萬里其國名曰終北不知際畔之所齊限無風雨霜露不生鳥獸蟲魚草木之類四方悉平周以喬陟當國之中有

聖也 音也

也 音也

山山名壺領狀若饒瓊頂有口狀若員環名曰滋穴有水湧出名曰神瀆臭過蘭椒味過醪醴一源分為四埒注於山下經營一國亡不悉徧土氣和亡札厲人性婉而從物不競不爭柔心而弱骨不驕不忌長幼儕居不君不臣男女雜游不媒不聘緣水而居不耕不稼土氣溫適不織不衣百年而死不夭不病其民孳阜亡數有喜樂亡衰老哀苦其俗好聲相携而迭謠終日不輟音饑倦則飲神瀆力志和平過則醉經旬乃醒沐浴神瀆膚色脂澤香氣經旬乃歇周穆王北游過其國三年忘歸既反周室慕其國傲然自失不進酒肉不召嬪御者數月乃復管仲勉齊桓公因遊遼口俱之其國幾冠舉隰朋諫曰君舍齊國之廣人

也 音也

民之衆山川之觀殖物之阜禮義之盛章服之美妖靡盈庭忠良滿朝肆咤則徒卒百萬視撫則諸侯從命亦奚美於彼而棄齊國之社稷從戎夷之國乎此仲父之耄奈何從之桓公乃止以隰朋之言告管仲仲曰此固非朋之所及也臣恐彼國之不可升之也齊國之富奚戀隰朋之言奚顧南國之人祝髮而裸北國之人鞞巾而裘中國之人冠冕而裳九土所資或農或商或田或漁如冬裘夏葛水舟陸車默而得之性而成之越之東有輒沐之國其長子生則鮮而食之謂之宜第其大父死負其大母而棄之曰鬼妻不可與同居處楚之南有炎人之國其親戚死殍骨其肉而棄之然後埋其骨廼成爲孝子秦之西有儀渠敷

髮物而引千不絕以兵所由

之國者其親戚死聚柴積而焚之燻則煙上謂之登遐然後成爲孝子此上以爲政下以爲俗而未足爲異也孔子東游見兩小兒辨鬪問其故一兒曰我以日始出時去人近而日中時遠也一兒以日初出遠而日中時近也一兒曰日初出大如車蓋及日中則如盤盂此不爲遠者小而近者大乎一兒曰日初出則澹澹涼涼及其日中如探湯此不爲近者熱而遠者涼乎孔子不能決也兩小兒笑曰孰爲汝多知乎均天下之至理也連於形物亦然均髮均縣輕重而髮絕髮不均也均也其絕也莫絕人以其爲不然自有知其然者也詹何以獨繭絲爲綸芒鍼爲鈞荊條爲竿剖粒爲餌引盈車之魚於百仞之淵涓流之中綸不絕

不均若絕而必無絕音且

詹何漁之者

扁鵲醫之者

鈞不伸竿不撓楚王聞而異之召問其故詹何曰臣聞先大夫之言蒲且子之弋也弱弓纖繳乘風振之連雙鶴於青雲之際用心專動手均也臣因其事放而學釣五年始盡其道當臣之臨河持竿心無雜慮唯魚之念投綸沈釣手無輕重物莫能亂魚見臣之鈞餌猶沈埃聚沫吞之無疑所以能以弱制彊以輕致重也大王治國誠能若此則天下可運於一握將亦奚事哉楚王曰善魯公扈趙齊嬰二人有疾同請扁鵲求治扁鵲治之既同愈謂公扈齊嬰曰汝曩之所疾自外而干腑臟者固藥石之所已今有偕生之疾與體偕長今爲汝攻之何如二人曰願先聞其驗扁鵲謂公扈曰汝志彊而氣弱故足於謀而寡於斷齊嬰

師襄 師文 秦青 薛譚 伯牙 鍾子期

志弱而氣彊，故少於慮而傷於專。若換汝之心，則均於善矣。扁鵲遂飲二人毒酒，迷死三日，剖胃探心，易而置之，投以神藥，既悟如初。二人辭歸，於是公扈反齊嬰之室，而有其妻子，妻子弗識。齊嬰亦反公扈之室，有其妻子，妻子亦弗識。二室因相與訟，求辨於扁鵲。扁鵲辨其所由，訟乃已。瓠巴鼓琴而鳥舞，魚躍。鄭師文聞之，棄家從師襄游。柱指鈞絃三年不成章。師襄曰：子可以歸矣。師文舍其琴，嘆曰：文非絃之不能鈞，非章之不能成，文所存者不在絃，所志者不在聲，內不得於心，外不應於器，故不敢發手而動絃。且小假之以觀其後，無幾何復見師襄。師襄曰：子之琴何如？師文曰：得之矣。請嘗試之。於是當春而叩商絃，以召南

呂涼風，忽至草木成實。及秋而叩角絃，以激夾鍾。溫風徐回，草木發榮。當夏而叩羽絃，以召黃鍾。霜雪交下，川池暴涸。及冬而叩徵絃，以激蕤賓。陽光熾烈，堅冰立散。將終命宮而總四絃，則景風翔慶雲，浮斗露降澧泉。涌師襄乃撫心高蹈曰：微矣子之彈也。雖師曠之清角，鄒衍之吹律，亡以加之。彼將扶琴執管而從子之後耳。薛譚學謳於秦青，未窮青之技，自謂盡之。遂辭歸。秦青弗止，餞於郊衢。撫節悲歌，聲振林木，響遏行雲。薛譚乃謝求反，終身不敢言歸。秦青顧謂其友曰：昔韓娥東之齊，匱糧過雍門，鬻歌假食。既去而餘音繞梁，攬三日不絕。左右以其人弗去，過逆旅。逆旅人辱之。韓娥因曼聲哀哭，一里老幼悲愁，垂涕相對。

三日不食遽而追之娥還復為曼聲長歌一里老幼喜躍
 抃舞弗能自禁忘向之悲也乃厚賂發之故雍門之人至
 今善歌哭効娥之遺聲伯牙善鼓琴鍾子期善聽伯牙鼓
 琴志在登高山鍾子期曰善哉我我兮若泰山志在流水
 鍾子期曰善哉洋洋兮若江河伯牙所念鍾子期必得之
 伯牙游於泰山之陰卒逢暴雨止於巖下心悲乃援琴而
 鼓之初為霖雨之操更造崩山之音曲每奏鍾子期輒窮
 其趣伯牙乃舍琴而歎曰善哉善哉子之聽夫志想象猶
 吾心也吾於何逃聲哉周穆王西巡狩越崑崙不至弇山
 反還未及中國道有獻工人名偃師穆王薦之問曰若有
 何能偃師曰臣唯命所試然臣已有所造願王先觀之穆

偃師
技之
奇也

領師
領

王曰日以俱來吾與若俱觀之越日偃師謁見王王薦之
 曰若與偕來者何人對曰臣之所造能倡者穆王驚視之
 趣步俯仰信人也巧夫鎮其頤則歌合律捧其手則舞應
 節千變萬化唯意所適王以為實人也與盛姬內御竝觀
 之技將終倡者瞬其目而招王之左右侍妾王大怒立欲
 誅偃師偃師大懾立剖散倡者以示王皆傅金革木膠漆
 白黑丹青之所為王諦料之內則肝膽心肺脾腎腸胃外
 則筋骨支節皮毛齒髮皆假物也而無不畢具者合會復
 如初見王試廢其心則口不能言廢其肝則目不能視廢
 其腎則足不能步穆王始悅而歎曰人之巧乃可與造化
 者同功乎詔貳車載之以歸夫班輸之雲梯墨翟之飛鳶

甘蠅 飛衛 射之 精者

索捷 機下 之捷 陳尾 上下 者 亞 更也

自謂能之極也。弟子東門賈禽滑釐聞偃師之巧，以告二子。二子終身不敢語藝。而時執規矩，準蠅古之善射者，殼弓而獸伏鳥下。弟子名飛衛，學射於甘蠅，而巧過其師。紀昌者，又學射於飛衛。飛衛曰：爾先學不瞬，而後可言射矣。紀昌歸，偃卧其妻之機下，以目承牽挺。二年之後，雖錐末倒背而不瞬也。以告飛衛，飛衛曰：未也。亞學視而後可視，小如大，視微如著，而後告我。昌以鼈懸虱於牖南面，而望之旬日之間，浸大也。三年之後，如車輪焉。以覩餘物，皆丘山也。乃以燕角之弧，朔蓬之箛，射之貫虱之心，而懸不絕。以告飛衛，飛衛高蹈拊膺曰：汝得之矣。紀昌既盡衛之術，計天下之敵已者一人而已。乃謀殺飛衛，相遇於野，二人

泰豆 造父 御之 精者 也 趣行

交射中路，矢鋒相觸而墜於地，而塵不揚。飛衛之矢先窮，紀昌遺一矢，既發，飛衛以棘刺之端扞之，而無差焉。於是二子泣而投弓，相拜於塗，請為父子。尅臂以誓，不得告術於人造父之師。曰：泰豆氏造父之始，從習御也。執禮甚卑，泰豆三年不告。造父執禮愈謹，乃告之曰：古詩言良弓之子，必先為箕，良冶之子，必先為裘。汝先觀吾趣，趣如吾，然後六轡可持，六馬可御。造父曰：唯命所從。泰豆乃立木為塗，僅可容足，計步而置履之，而行趣走，往還無跌失也。造父學之三日，盡其巧。泰豆歎曰：子何其敏也。得之捷乎。凡所御者，亦如此也。曩汝之行，得之於是，應之於心，推於御也。齊輯乎轡銜之際，而急緩乎脣吻之和，正度於胃臆之

二四一六
心馬馬十
也私睡
恨德

中而執節乎掌握之間內得於中心而外合於馬志是故能進退履繩而旋曲中規矩取道致遠而氣力有餘誠得其術也得之於御應之於轡得之於轡應之於手得之於手應之於心則不以目視不以策驅心閑體正六轡不亂而二十四蹄所投無差廻旋進退莫不中節然後轡輪之外可使無餘轍馬蹄之外可使無餘地未嘗覺山谷之險原隰之夷視之一也吾術窮矣汝其識之魏黑邪以暱熈殺立邴章立邴章之子來丹謀報父之讎丹氣甚猛形甚露計粒而食順風而趨雖怒不能稱兵以報之恥假力於人誓手劍以屠黑邪黑邪悍志絕衆力凡百六筋骨皮肉非人類也延頸承刃披胃受矢銼鏗推屈而體無痕捷負

初生
之鳥
金光
家影
與銀
之劍
泥之
布皆
物之
積者

睡音
血

其才力視來丹猶雛鷓也來丹之友申他曰子怨黑邪至矣黑邪之易子過矣將奚謀焉來丹垂涕曰願子為我謀申他曰吾聞衛孔周其祖得殷帝之寶劍一童子服之却三軍之衆奚不請焉來丹遂適衛見孔周執僕御之禮請先納妻子後言所欲孔周曰吾有三劍唯子所擇皆不能殺人且先言其狀一曰含光視之不可見運之不知其有所觸也泯然無際經物而物不覺二曰承影將旦昧爽之交旦夕昏明之際北面而察之淡淡焉若有物存莫識其狀其所觸也竊竊焉有聲經物而物不疾也三曰宵練方晝則見影而不見光方夜見光而不見形其觸物也騷然而過隨過隨合覺疾而不血刃焉此三寶者傳之十三世

矣而無施於事、匣而藏之、未嘗啓封、來丹曰雖然吾必請其下者、孔周乃歸其妻子與齋七日、晏陰之間跪而授其下劍、來丹再拜受之、以歸、來丹遂執劍從黑卵、時黑卵之醉偃牖下、自頸至腰三斬之、黑卵不覺、來丹以黑卵之死趣而退、遇黑卵之子於門、擊之三下、如投虛、黑卵之子方笑曰汝何蚩而三招予、來丹知劍之不能殺人也、歎而歸、黑卵既醒怒其妻曰醉而露我使我嗌疾而腰急、其子曰疇昔來丹之來、遇我於門、三招我亦使我體疾而支彊、彼其厭我哉、周穆王大征西戎、西戎獻鍔鍔之劍、火浣之布、其劍長尺有咫、練鋼赤刃、用之切玉如切泥、馬、火浣之布、浣之必投於火、布則火色、垢則布色、出火而振之、皓然疑乎雪、皇子以爲無此物、傳之者妄、蕭叔曰皇子果於自信、果於誣理哉、

力命第六

力謂命曰若若之功、奚若我哉、命曰汝奚功於物而欲此、朕力曰壽夭窮達貴賤貧富、我力之所能也、命曰彭祖之智、不出堯舜之上、而壽八百、顏淵之才、不出衆人之下、而壽四八、仲尼之德、不出諸侯之下、而困於陳蔡、殷紂之行、不出三人之上、而居君位、季札無爵於吳、田恒專有齊國、夷齊餓于首陽、季氏富於展禽、若是汝力之所能、奈何壽彼而夭此、窮聖而達逆、賤賢而貴愚、貧善而富惡、邪力曰若如是言、我固無功於物、而物若此耶、此則若之所制、邪命

也庸用

豎誓

曰既謂之命奈何有制之者邪朕直而推之曲而任之自
 壽自夭自窮自達自貴自賤自富自貧朕豈能識之哉朕
 豈能識之哉北宮子謂西門子曰朕與子並世也而人子
 達並族也而人子敬並貌也而人子愛並言也而人子庸
 並行也而人子誠並仕也而人子貴並農也而人子富並
 商也而人子利朕衣則短褐食則菜糲居則蓬室出則徒
 行子衣則衣錦食則梁肉居則連櫪出則結駟在家熙然
 有棄朕之心在朝諤然有敖朕之色請謁不相及遨遊不
 同行固有年矣子自以德過朕邪西門子曰予無以知其
 實汝造事而窮予造事而達此厚薄之驗歟而皆謂與予
 並汝之顏厚矣北宮子無以應自失而歸中塗遇東郭先

釋事

生先生曰汝奚往而反偶偶而步有深愧之色邪北宮子
 言其狀東郭先生曰吾將舍汝之愧與汝更之西門氏而
 問之曰汝奚辱北宮子之深乎固且言之西門子曰北宮
 子言世族年貌言行與予並而賤貴貧富與予異予語之
 曰予無以知其實汝造事而窮予造事而達此將厚薄之
 驗歟而皆謂與予並汝之顏厚矣東郭先生曰汝之言厚
 薄不過言才德之差吾之言厚薄異於是矣夫北宮子厚
 於德薄於命汝厚於命薄於德汝之達非智得也北宮子
 之窮非愚失也皆天也非人也而汝以命厚自矜北宮子
 以德厚自愧皆不識夫固然之理矣西門子曰先生止矣
 予不敢復言北宮子既歸衣其短褐有狐貉之溫進其莪

叔有稻梁之味，庇其蓬室，若廣厦之蔭，乘其華輅，若文軒之飾，終身適然，不知榮辱之在彼也，在我也。東郭先生聞之曰：北宮子之寐久矣，一言而能寤，易悟也哉。管夷吾、鮑叔牙二人相友甚戚，同處於齊。管夷吾事公子糾，鮑叔牙事公子小白。齊公族多寵，嫡庶並行，國人懼亂。管仲與召忽奉公子糾奔魯，鮑叔奉公子小白奔莒。既而公孫無知作亂，齊無君，二公子爭入。管夷吾與小白戰於莒道，射中小白帶鉤。小白既立，脅魯殺子糾，召忽死之。管夷吾被囚，鮑叔牙謂桓公曰：管夷吾能可以治國，桓公曰：我讎也，願殺之。鮑叔牙曰：吾聞賢君無私怨，且人能為其主，亦必能為人君。如欲霸王，非夷吾其弗可。君必舍釋之，遂召管仲。

魯歸之齊，鮑叔牙郊迎，釋其囚，桓公禮之而位於高國之上。鮑叔牙以身下之，仕以國政，號曰仲父。桓公遂霸，管仲嘗歎曰：吾少窮困，時嘗與鮑叔牙賈分財，多自與，鮑叔不以我為貪，知我貧也。吾嘗為鮑叔謀事而大窮困，鮑叔不以我為愚，知時有利不利也。吾嘗三仕三見逐於君，鮑叔不以我為不肖，知我不遭時也。吾嘗三戰三北，鮑叔不以我為怯，知我有老母也。公子糾敗，召忽死之，吾幽囚受辱，鮑叔不以我為無耻，知我不羞小節而耻名不顯於天下也。生我者父母，知我者鮑叔也。此世稱管鮑善交者。小白善用能者，然實無善交，實無用能也。實無善交，實無用能者，非更有善交，更有善用能也。召忽非能死，不得死，鮑

叔非能舉賢不得不舉、小白非能用讎不得不用、及管夷
吾有病、小白問之曰、仲父之病病矣、可不諱云、至於大病
則寡人惡乎屬國而可夷、吾曰、公誰欲歟、小白曰、鮑叔牙
可、曰、不可、其爲人潔廉善士也、其於不巳若者、不比之人
一聞人之過、終身不忘、使之理國、上且鈞乎君、下且逆乎
民、其得罪於君也、將弗久矣、小白曰、然則孰可、對曰、勿已
則隰朋可、其爲人也、上忘而下不叛、愧其不若黃帝而哀
不巳若者、以德分人謂一聖人、以財分人謂之賢人、以賢
臨人未有得人者也、以賢下人者、未有不得人者也、其於
國有不聞也、其於家有不見也、勿已則隰朋可、然則管夷
吾非薄鮑叔也、不得不薄、非厚隰朋也、不得不厚、厚之於

鮑叔牙

始或薄之、於終薄之、於終或厚之、於始厚薄之、去來弗由
我也、鄧析操兩可之說、設無窮之辭、當子產執政、作竹刑、
鄭國用之、數難子產之治、子產屈之、子產執而戮之、俄而
誅之、然則子產非能用竹刑、不得不用、鄧析非能屈子產
不得不屈、子產非能誅鄧析、不得不誅也、可以生而生、天
福也、可以死而死、天福也、可以生而不生、天罰也、可以死
而不死、天罰也、可以生可以死、得生得死有矣、不可以生
不可以死、或死或生有矣、然而生生死死、非物非我、皆命
也、智之所無、奈何、故曰、窈然無際、天道自會、漠然無分、天
道自運、天地不能犯、聖智不能干、鬼魅不能欺、自然者、默
之成之、平之寧之、將之迎之、楊朱之友曰、季梁、季梁得疾

七日大漸其子環而泣之請醫季梁謂楊朱曰吾子不肖如此之甚汝奚不爲我歌以曉之楊朱歌曰天其弗識人胡能覺匪祐自天弗孽由人我乎汝乎其弗知乎醫乎巫乎其知之乎其子弗曉終謁三醫一曰矯氏二曰俞氏三曰盧氏診其所疾矯氏謂季梁曰汝寒溫不節虛實失度病由饑飽色慾精慮煩散非天非鬼雖漸可攻也季梁曰衆醫也巫屏之俞氏曰女始則胎氣不足乳湏有餘病非一朝一夕之故其所由來漸矣弗可已也季梁曰良醫也且食之盧氏曰汝疾不由天亦不由人亦不由鬼稟生受形既有制之者矣亦有知之者矣藥石其如汝何季梁曰神醫也重既造之俄而季梁之疾自瘳生非貴之所能存

身非受之所能百子生亦非賤之所能夭身亦非輕之所能薄故貴之或不生賤之或不死愛之或不厚輕之或不薄此似反也非反也此自生自死自厚自薄或貴之而生或賤之而死或愛之而厚或輕之而薄此似順也非順也此亦自生自死自厚自薄鬻熊語文王曰自長非所增自短非所損算之所亡若何老聃語關尹曰天之所惡孰知其故言迎天意揣利害不如其已楊布問曰有人於此年九弟也才兄弟也親兄弟也而壽夭父子也貴賤父子也名譽父子也愛憎父子也吾惑之楊子曰古之人有言吾嘗識之將以告若不知所以然而然命也今昏昏昧昧紛紛若若隨所爲隨所不爲日去日來孰能知其故皆命也夫

通滴之意

行假何假

料與不料、度與不度、奚以異、唯亡所量、亡所不量、則全而亡喪亦非知全、亦非知喪、自全也、自亡也、自喪也。齊景公游於牛山、北臨其國城而流涕曰、美哉國乎、鬱鬱芊芊、若何滴滴去此國而死乎、使古無死者、寡人將去斯而之何、史孔梁丘據皆從而泣曰、臣賴君之賜、疏食惡肉可得而食、駕馬稜車可得而乘也、且猶不欲死、而況吾君乎、晏子獨笑於旁、公雪涕而顧、晏子曰、寡人今日之游悲、孔與據皆從寡人而泣、子之獨笑何也、晏子對曰、使賢者常守之、則太公桓公將常守之矣、使有勇者而常守之、則莊公靈公將常守之矣、數君者將守之、吾君方將披蓑笠而立乎畎畝之中、唯事之恤、行假念死乎、則吾君又安得此位而

立焉以其迭處之迭去之、至於君也、而獨為之流涕、是不仁也、見不仁之君、見諂諛之臣、臣見此二者、臣之所為獨竊笑也。景公慙焉、舉觴自罰、罰二臣者各二觴焉。魏人有東門吳者、其子死而不憂、其相室曰、公之愛子、天下無有、今子死不憂、何也、東門吳曰、吾常無子、無子之待不憂、今子死乃與嚮無子同、詐奚憂焉。農赴時、商趨利、工追術、仕逐勢、勢使然也。然農有水旱、商有得失、工有成敗、仕有遇否、命使然也。

楊朱第七

一曰達生

楊朱游於魯、舍於孟六、孟氏問曰、人而已矣、奚以名為、曰、以名者為實、既富矣、奚不已焉、曰、為貴、既貴矣、奚不已焉、

曰為死既死矣奚為焉曰為子孫名奚益於子孫曰名乃苦其身焦其心乘其名者澤及宗族利兼鄉黨況子孫乎凡為名者必廉廉斯貧為名者必讓讓斯賤曰管仲之相齊也君淫亦淫君奢亦奢志合言從道行國霸死之後管氏而已田氏之相齊也君盈則已降君斂則已施民皆歸之因有齊國子孫享之至今不絕若實名貧偽名富曰實無名名無實名者偽而已矣昔者堯舜偽以天下讓許由善卷而不失天下享祚百年伯夷叔齊實以孤竹君讓而終亡其國餓死於首陽之山實偽之辨如此其省也楊朱曰百年壽之大齊得百年者千無一焉設有一者孩抱以逮老幾居其半矣夜眠之所臥晝覺之所遺又幾居其

也

半矣痛疾哀苦亡失憂懼又幾居其半天量十數年之中迫然而自仞亡介焉之慮者亦亡一時之中爾則人之生也奚為哉奚樂哉為美厚爾為榮色爾而美厚復不可常厭足聲色不可常翫聞乃復為刑賞之所禁勸名法之所進退違違爾競一時之虛譽規死後之餘榮偶偶爾慎耳目之觀聽惜身意之是非徒失當年之至樂不能自肆於一時重囚繫梏何以異異哉太古之人知生之暫來知死之暫往故從心而動不違自然所好當身之娛非所去也故不為名所勸從性而游不逆萬物所好死後之名非所取也故不為刑所及名譽先後年命多少非所量也楊朱曰萬物所異者生也所同者死也生則有賢愚貴賤是所

趣也
其也
其也

異也。死則有臭腐消滅，是所同也。雖然，賢愚貴賤，非所能也。臭腐消滅，亦非所能也。故生非所生，死非所死，賢非所賢，愚非所愚，貴非所貴，賤非所賤。然而萬物齊生，齊死，齊賢，齊愚，齊貴，齊賤，十年亦死，百年亦死，仁聖亦死，凶愚亦死，生則堯舜，死則腐骨，生則桀紂，死則腐骨，一矣。孰知其異，且趣當生，奚遑死後？楊朱曰：伯夷非亡欲，矜清之郵以放，餓死，展季非亡情，矜貞之郵以放，寡宗，清貞之誤，善之若此。楊朱曰：原憲窶於魯，子貢殖於衛，原憲之窶，損生子，子貢之殖，累身，然則窶亦不可，殖亦不可，其可焉在？曰：可在樂生，可在逸身，故善樂生者不窶，善逸身者不殖。楊朱曰：古語有之：生相憐，死相捐，此語至矣。相憐之道，非唯情也。

其也
其也
其也

勤能使逸，餓能使飽，寒能使溫，窮能使達也。相捐之道，非不相哀也。不含珠玉，不服文錦，不陳犧牲，不設明器也。晏平仲問養生於管夷吾，管夷吾曰：肆之而已，勿壅勿闕。晏平仲曰：其目奈何？夷吾曰：恣耳之所欲聽，恣目之所欲視，恣鼻之所欲向，恣口之所欲言，恣體之所欲安，恣意之所欲行。夫耳之所欲聞者，音聲而不得聽，謂之闕聰；目之所欲見者，美色而不得視，謂之闕明；鼻之所欲向者，椒蘭而不得臭，謂之闕顛；口之所欲言者，是非而不得言，謂之闕智；體之所欲安者，美厚而不得從，謂之闕適；意之所欲為者，放逸而不得行，謂之闕性。凡此諸闕，廢虐之主，去廢虐之主，熙熙然以俟死。一日一月，一年十年，吾所謂養，拘此廢

虐之主錄而不舍，戚戚然以至久生，百年千年萬年，非吾所謂養。管夷吾曰：吾既告子養生矣，送死柰何？晏平仲曰：送死畧矣，將何以告焉？管夷吾曰：吾固欲聞之。平仲曰：既死，豈在我哉？焚之亦可，沉之亦可，瘞之亦可，露之亦可，衣新而棄諸溝壑，亦可，衮衣繡裳而納諸石椁，亦可。唯所遇焉。管夷吾顧謂鮑叔黃子曰：生死之道，吾二人進之矣。子產相鄭，專國之政三年，善者服其化，惡者畏其禁。鄭國以治，諸侯憚之。而有兄曰公孫朝，有弟曰公孫穆。朝好酒，穆好色。朝之室也，聚酒千鍾，積麴成封，望門百步，醴漿之氣逆於人鼻，方其荒於酒也，不知世道之安危，人理之悔吝。室內之有七九族之親疎，存亡之哀樂也。雖水火兵刃交

於前，弗知也。穆之後庭，比房數十，皆擇隄姦媵，皆以盈之。方其耽於色也，屏親昵，絕交遊，逃於後庭，以晝足夜三月一出，意猶未愜。鄉有處子之娥姣者，必賄而招之，媒而挑之，弗獲而後已。子產日夜以爲戚，密造鄧析而謀之曰：儻聞治身以及家，治家以及國，此言自於近至於遠也。儻爲國則治矣，而家則亂矣。其道逆邪，將奚方以救二子？子其詔之。鄧析曰：吾怪之久矣，未敢先言。子奚不時其治也？喻以性命之重，誘以禮義之尊乎？子產用鄧析之言，因問以謁其兄弟而告之曰：人之所以貴於禽獸者，智慮智慮之所將者，禮義禮義成則名位至矣。若觸情而動，耽於嗜慾，則性命危矣。子納儻之言，則朝自悔而夕食祿矣。朝穆

曰吾知之久矣擇之亦久矣豈待若言而後識之哉凡生
之難遇而死之易及以難遇之生俟易及之死可孰念哉
而欲尊禮義以夸人矯情性以招名吾以此為弗若死也
為欲盡一生之歡窮當年之樂唯患腹溢而不得恣口之
飲力憊而不得肆情於色不遑憂名聲之醜性命之危也
且若以治國之能夸物欲以說辭亂我之心榮祿喜我之
意不亦鄙而可憐哉我又欲與若別之夫善治外者物未
必治而身交苦善治內者物未必亂而性交逸以若之治
外其法可斲行於一國未合於人心以我之治內可推之
於天下君臣之道息矣吾常欲以此術而喻之若天以彼
術而教我哉子產忙然無以應之他日以告鄧析鄧析曰

後葛

子與真人居而不知也孰謂子智者乎鄭國之治偶耳非
子之功也衛端木叔者子貢之世也藉其先資家累萬金
不治世故放意所好其生民之所欲為人意之所欲玩者
無不為也無不玩也榭屋臺榭園囿池沼飲食車服聲樂
嬪御擬齊楚之君焉至其情所欲好耳所欲聽目所欲視
口所欲嘗雖殊方偏國非齊土之所產育者無不必致之
猶藩牆之物也及其游也雖山川阻險塗逕脩遠無不必
之猶人之行咫尺也賓客在庭者日百往庖厨之下不絕
煙火堂廡之上不絕聲樂奉養之餘先散之宗族宗族之
餘次散之邑里邑里之餘乃散之一國行年六十氣幹將
衰棄其家事都散其庫藏珍寶車服妾媵一年之中盡焉

也子書

也子書

不為子孫留財及其病也無藥石之儲及其死也無瘞埋之資一國之人受其施者相與賦而藏之及其子孫之財焉禽骨釐聞之曰端木叔狂人也辱其祖矣段干生聞之曰木叔達人也德過其祖矣其所行也其所為也衆意所驚而誠理所取衛之君子多以禮教自持固未足以得此入之心也孟孫陽問楊子曰有人於此貴生愛身以靳不死可乎曰理無不死以靳久生可乎曰理無久生生非貴之所能存身非愛之所能厚且久生奚為五情好惡古猶今也四體安危古猶今也世事苦樂古猶今也變易治亂古猶今也既聞之矣既見之矣既更之矣百年猶厭其多况人生之苦也乎孟孫陽曰若然速亡愈於久生則踐鋒

刃入湯火得所志矣楊子曰不然既生則廢而任之究其所欲以俟於死將死則廢而任之究其所之以放於盡無不廢無不任何遽遲速於其間乎楊朱曰伯成子高不以一毫利物舍國而隱耕大禹不以一身自利一體備枯古之人損一毫利天下不與也悉天下奉一身不取也人人不損一毫人人不利天下天下治矣禽子問楊朱曰去子體之一毛以濟一世汝為之乎楊子曰世固非一毛之所濟禽子曰假濟為之乎揚子弗應禽子出語孟孫陽曰子不達夫子之心吾請言之有侵若肌膚獲萬金者若為之乎曰為之孟孫陽曰有斷若一節得一國子為之乎禽子默然有間孟孫陽曰一毛微於肌膚肌膚微於一節省矣然則積

一毛以成肌膚，積肌膚以成一節，一毛固一體萬分中之一物，柰何輕之乎？禽子曰：吾不能所以答子，然則以子之言問老聃，關尹則子言當矣，以吾言問大禹，墨翟則吾言當矣，孟孫陽因顧與其徒，說他事，揚朱曰：天下之美歸之舜禹，周孔天下之惡歸之桀紂，然而舜耕於河陽，陶於雷澤，四體不得暫安，口腹不得美厚，父母之所不安，弟妹之所不親，行年三十不告而娶，及受堯之禪，年已長，智已衰，商鈞不才，禪位於禹，戚戚然以至於死，此天人之窮毒者也。鯀治水土，績用不就，殛諸羽山，禹纂業事，饑惟荒土功，子產不字，過門不入，身體偏枯，手足胼胝，及受舜禪，卑宮室，美絃冕，戚戚然以至於死，此天人之憂苦者也。武王既

七二

終成王，幼弱，周公攝天子之政，召公不悅，四國流言，居東三年，誅兄放弟，僅免其身，戚戚然以至於死，此天人之危懼者也。孔子明帝王之道，應時君之聘，伐樹於宋，削迹於衛，窮於商周，圍於陳蔡，受屈於季氏，見辱於陽虎，戚戚然以至於死，此天民之遑遽者也。凡彼四聖者，生無一日之歡，死有萬世之名，名者固非實之所取也。雖稱之弗知，雖賞之不知，與株塊無以異。天桀藉累世之資，居南面之尊，智足以距羣下，威足以震海內，恣耳目之所娛，窮意慮之所為，熙熙然以至於死，此天民之逸蕩者也。紂亦藉累世之資，居南面之尊，威無不行，志無不從，肆情於傾宮，縱欲於長夜，不以禮義自苦，熙熙然以至於誅，此天民之放縱者

也彼二凶也。生有從欲之歡，死被愚暴之名。實者固非名之所與也。雖毀之不知，雖稱之弗知。此與株塊奚以異矣。彼四聖雖美之所歸，苦以至終，同歸於死矣。彼二凶雖惡之所歸，樂以至終，亦同歸於死矣。楊朱見梁王言治天下如運諸掌，梁玉曰：先生有一妻一妾，而不能治，三畝之園而不能芸，而言治天下如運諸掌，何也？對曰：君見其牧羊者乎？百羊而羣，使五尺童子荷箠而隨之，欲東而東，欲西而西，使克牽一羊，舜荷箠而隨之，則不能前矣。且臣聞之：吞舟之魚，不游板流；鴻鵠高飛，不集汙池。何則？其極遠也。黃鐘大呂，不可從煇奏之舞，何則？其音味也將治大者不治細，成大功者不成小。此之謂矣。揚朱曰：太古之事，感矣。

孰誌之哉？二皇之事若存若亡，五帝之事若覺若夢，三王之
之事，或隱或顯，億不識一，當身之事，或聞或見，萬不識一，
目前之事，或存或廢，千不識一。太古至于今日，年數固不
可勝紀，伏羲已來，三十餘萬歲，賢愚好醜，成敗是非，無不
消滅，但遲速之間爾。矜一時之毀譽，以焦苦其神形，要死
後譽，百年中餘名，豈足潤枯骨，何生之樂哉？楊朱曰：人肖
天地之類，懷五常之性，有生之最靈者人也。人者，爪牙不
足以供守衛，肌膚不足以自捍禦，趨走不足以逃利害，無
毛羽以禦寒暑，必將資物以爲養性，任智而不恃力，故智
之所貴，存我爲貴，力之所賤，侵物爲賤。然身非我有也，既
生，不得不全之物，非我有也，既有，不得而去之，身固主之

主物亦養之主。雖全生身不可有其身。雖不云物不可有其物。有其物。有其身。是橫私天下之身。橫私天下之物。其唯聖人乎。公天下之身。公天下之物。其唯至人矣。此之謂至至者也。楊朱曰：生民之不得休息為四事。故一為壽。二為名。三為位。四為貨。有此四者。畏鬼畏人。畏威畏刑。此謂之適人也。可殺可活。制命在外。不違命。何美壽。不矜貴。何美名。不要勢。何美位。不貪富。何美貨。此謂順民也。天下無對。制命在內。故語有之曰：人不婚宦。情欲失半。人不衣食。君臣道息。周諺曰：田父可坐殺。晨出夜入。自以性之恒。啜菽茹藿。自以味之極。肌肉麤厚。筋節騰急。一朝處以柔毛。綈幕薦。以梁肉蘭橘。心膺體煩。內熱生病矣。商魯之君。道

田父侔地。則亦不盈一時而億矣。故野人之所安。野人之所美。謂天下無過者。昔晉宋國有田夫。常衣緼質。僅以過冬。暨春東作。自曝於日。不知天下之有廣廈隩室。綿纊狐貉。顧謂其妻曰：負日之暄。人莫知者。以獻吾君。將有重賞。里之富室告之曰：昔人有美我菽。甘泉莖。芹萍子者。對鄉豪稱之。鄉豪取而嘗之。蜚於口。慘於腹。眾哂而怨之。其人大慙。子此類也。揚朱曰：豐屋。美服。厚味。姣色。有此四者。何求於外。有此而求外者。無厭之性。陰陽之嘉也。忠不足以安君。適足以危身。義不足以利物。適足以害生。安上不由於忠。而忠名滅焉。利物不由於義。而義名絕焉。君臣兼安物。我兼利古之道也。鬻子曰：去名者無憂。老子曰：名者實之

賓而悠悠者趨名不已名固不可去名固不可賓邪今有
名則尊榮亡名則卑辱尊榮則逸樂卑辱則憂苦憂苦犯
性者也逸樂順性者也斯實之所係矣名胡可去名胡可
賓但惡夫守名而累實守名而累實將恤危亡之不救豈
徒逸樂憂苦之間哉

說符第八

子列子學於壺丘子林壺丘子林曰子知持後則可言持
身矣列子曰願聞持後曰願若影則知之列子顧而觀影
形枉則影曲形直則影正然則枉直隨形而不在影屈伸
任物而不在我此之謂持後而處先關尹謂子列子曰言
美則響美言惡則響惡身長則影長身短則影短名也者

響也身也者影也故曰慎爾言將有和之慎爾行將有隨
之是故聖人見出以知入觀往以知來此其所以先知之
理也度在身稽在人人人愛我我必愛之人惡我我必惡之
湯武愛天下故王桀紂惡天下故亡此所稽也稽度皆明
而不道也譬之出不由門行不從徑也以是求利不亦難
乎嘗觀之神農有炎之德稽之虞夏商周之書度諸法士
賢人之言所以存亡廢興而非由此道者未之有也嚴恢
曰所爲問道者爲富今得珠亦富矣安用道子列子曰桀
紂唯重利而輕道是以亡幸哉余未汝語也人而無義唯
食而已是鷄狗也彊食靡角勝者爲制是禽獸也爲鷄狗
禽獸矣而欲人之尊已不可得也人不尊已則危辱及之

矣。列子學射中矣，請於關尹子。尹子曰：子知子之所以中者乎？對曰：弗知也。關尹子曰：未可，退而習之。三年，又以報關尹子。尹子曰：子知子之所以中乎？列子曰：知之矣。關尹子曰：可以守而勿失也，非獨射也。為國與身亦皆如之。故聖人不察存亡而察其所以然。列子曰：色盛者驕，力盛者奮，未可以語道也。故不班白，語道失。而況行之乎？故自奮則人莫之告，人莫之告，則孤而無輔矣。賢者任人，故年老而不衰，智盡而不亂。故治國之難在於知賢，而不在自賢。宋人有為其君以玉為楮葉者，三年而成，鋒殺莖柯，毫芒繁澤，亂之楮葉中而不可別也。此人遂以巧食宋國。子列子聞之曰：使天地之生物三年而成一葉，則物之有葉者

寡矣。故聖人恃道化而不恃智巧。子列子窮容貌有飢色。客有言之鄭子陽者曰：列禦寇蓋有道之士也，居君之國而餽君，無乃為不好士乎？鄭子陽即令官遺之粟。子列子出見使者，再拜而辭。使者去，子列子入，其妻望之而拊心曰：妾聞為有道者之妻子，皆使佚樂。今有飢色，君過而遺先生食，先生不受，豈不命也哉？子列子笑謂之曰：君非自知我也。以人之言而遺我粟，至其罪我也。又且以人之言，此吾所以不受也。其卒民果作難而殺子陽。魯施氏有二子，其一好學，其一好兵。好學者以術干齊侯，齊侯納之以為諸公子之傅。好兵者之楚，以法干楚王，王悅之，以為軍政。祿富其家，爵榮其親。施氏之鄰人孟氏同有二子，所業

亦同而窘於貧美施氏之有因從請進趣之方二子以實告孟氏孟氏之一子之秦以術干秦王秦王曰當今諸侯力爭所務兵食而已若用仁義治吾國是滅亡之道遂宮而放之其一子之衛以法干衛侯衛侯曰吾弱國也而攝乎大國之間大國吾事之小國吾撫之是求安之道若願兵權滅亡可待矣若全而歸之適於他國爲吾之患不輕矣遂刑之而還諸魯既反孟氏之父于叩臂而讓施氏施氏曰凡得時者昌失時者亡子道與吾同而功與吾異失時者也非行之謬也且天下理無常是事無常非先日所用今或棄之今之所棄後或用之此用與不用無定是非也投隙抵時應事無方屬乎智智若不足使若傅如孔丘

術如呂尚焉往而不窮哉孟氏父子舍然無愠容曰吾知之矣子勿重言晉文公出會欲伐衛公子伋仰天而笑公問何笑曰臣笑鄰之人有送其妻適私家者道見桑婦悅而與言然顧視其妻亦有招之者矣臣竊笑此也公寤其言乃止引師而還未至而有伐其北鄙者矣晉國苦盜有鄰雍者能視盜之貌察其眉睫之間而得其情晉侯使視盜千百無遺一焉晉侯喜告趙文子曰吾得一人而一國盜爲盡矣奚用多爲文子曰吾君恃伺察而得盜盜不盡矣且鄰雍必不得其死焉俄而群盜謀曰吾所窮者鄰雍也遂共盜而殘之晉侯聞而大駭立召文子而告之曰果如子言鄰雍死矣然取盜何方文子曰周諺有言察見淵

魚者不祥、智料隱匿者有殃、且君欲無盜、莫若舉賢而任之、使教明於上、化行於下、民有恥心、則何盜之為、於是用隨會知政而羣盜奔秦焉。孔子自衛反魯、息駕於河梁而觀焉。有懸水三十仞、圜流九十里、魚鼈弗能游、黿鼉弗能居。有一丈夫方將厲之。孔子使人並涯止之曰：「此懸水三十仞、圜流九十里、魚鼈弗能游、黿鼉弗能居也。意者難可濟乎？」丈夫不以錯意、遂度而出。孔子問之曰：「巧乎？有道術乎？所以能入而出者何也？」丈夫對曰：「始吾之入也，先以忠信及吾之出也，又從以忠信。忠信錯吾軀於波流而吾不敢用私，所以能入而復出者以此也。」孔子謂弟子曰：「二三子識之，水且猶可以忠信誠身親之，而况人乎？」白公問

得譽

也隱語

也翻處名二中人左

孔子曰：「人可與微言乎？」孔子不應。白公問曰：「若以石投水，何如？」孔子曰：「矣之善沒者能取之。」曰：「若以水投水，何如？」孔子曰：「淄澠之合，易牙嘗而知之。」白公曰：「人固不可與微言乎？」孔子曰：「何為不可？」唯知言之謂者乎？夫知言之謂者，不以言言也。爭魚者濡，逐獸者趨，非樂之也。故三言去言，至為無為。夫淺知之所爭者末矣。白公不得已，遂死於浴室。趙襄子使新穉穆子攻翟，勝之，取左人中人，使遽人來謁之。襄子方食而有憂色。左右曰：「一朝而兩城下，此人之所喜也。今君有憂色，何也？」襄子曰：「夫江河之大也，不過三日，飄風暴雨不終朝，日中不須臾。今趙氏之德行無所施於積一朝而兩城下，亡其及我哉？」孔子聞之曰：「趙氏其昌乎？」

也

此與
察焉
得焉
失焉
同意

夫憂者所以為昌也。喜者所以為亡也。勝非其難者也。持之其難者也。賢主以此持勝。故其福及後世。齊楚吳越皆常勝矣。然卒取亡焉。不達乎持勝也。唯有道之主。為能持勝。孔子之勁。能拓國門之關。而不肯以力。聞墨子為守攻。公輸般服。而不肯以兵。知故善持勝者。以強為弱。宋人有好行仁義者。三世不懈。家無故。黑牛生白犢。以問孔子。孔子曰。此吉祥也。以薦上帝。居一年。其父無故而盲。其牛又復生白犢。其父又復令其子問孔子。其子曰。前問之而失明。又何問乎。父曰。聖人之言。先迺後合。其事未究。姑復問之。其子又復問孔子。孔子曰。吉祥也。復教以祭。其子歸。致命。其父曰。行孔子之言也。居一年。其子又無故而盲。其後

也

楚攻宋。圍其城。民易子而食之。析骸而爇之。丁壯者皆棄城而戰。死者大半。此人以父子有疾。皆免。及圍解。而疾俱復。宋有蘭子者。以技干宋元。宋元召而使見。其技以雙杖長倍其身。屬其脛。並趨並馳。弄七劍。迭而躍之。五劍常在空中。元君大驚。立賜金帛。又有蘭子又能燕戲者。聞之。復以千元君。元君大怒曰。昔有異技干寡人者。技無庸。適值寡人有歡心。故賜金帛。彼必聞此而進。復望吾賞。拘而擬戮之。經月乃放。秦穆公謂伯樂曰。子之年長矣。子姓有可使求馬者乎。伯樂對曰。良馬可形容筋骨相也。天下之馬者。若滅若沒。若亡若失。若此者。絕塵弭蹶。臣之子皆下才也。可告以良馬。不可告以天下之馬也。臣有所與共擔纏

薪菜者有九方臯此其於馬非臣之下也請見之穆公見之使行求馬三月而反報曰已得之矣在沙丘穆公曰何馬也對曰牝而黃使人往取之牡而驪穆公不說召伯樂而謂之曰敗矣子所使求馬者色物牝牡尚弗能知又何馬之能知也伯樂喟然太息曰一至於此乎是乃其所以千萬臣而無數者也若臯之所觀天機也得其精而忘其蘆在其內而忘其外見其所見不見其所不見視其所視而遺其所不視若臯之相者乃有貴乎馬者也馬至果天下之馬也楚莊王問詹何曰治國柰何詹何對曰臣明於治身而不明於治國也楚莊王曰寡人得奉宗廟社稷願學所以守之詹何對曰臣未嘗問身治而國亂者也又未

嘗聞身亂而國治者也故本在身不敢對以末楚王曰善狐丘丈人謂孫叔敖曰人有三怨子知之乎孫叔敖曰何謂也對曰爵高者人妬之官大者主惡之祿厚者怨逮之孫叔敖曰吾爵益高吾志益下吾官益大吾心益小吾祿益厚吾施益博以是免於三怨可乎孫叔敖疾將死戒其子曰王亟封我矣吾不受也爲我死王則封汝汝必無受利地楚越之間有寢丘者此地不利而名甚惡楚人鬼而越人機可畏有者唯此也孫叔敖死果以美地封其子子辭而不受請寢丘與之至今不失牛缺者上地之大儒也下之邙邙遇盜於耦沙之中盡取其衣裝車牛步而去視之歡然亡憂去之色盜追而問其故曰君子不以所養害

射明入
項者
以王
為之
言報
采得
中而
待而
笑而

其所養盜曰嘻賢矣夫既而相謂曰以彼之賢在見趙君
使以我為必困我不如殺之乃相與追而殺之燕人聞之
聚族相戒曰遇盜莫如上地之牛缺也皆受教俄而其弟
適秦至關下果遇盜憶其兄之戒因與盜力爭既而不如
又追而以卑辭請物盜怒曰吾活汝弘矣而追吾不已迹
將著焉既為盜矣仁將焉在遂殺之又傷害其黨四五人
焉。虞氏者梁之富人者也家充殷盛錢帛無量財貨無訾
登高樓臨大路設樂陳酒擊博樓上俠客相隨而行樓上
博者射明瓊張中又兩榆魚而笑飛鳶適墜其腐鼠而中
之俠客相與言曰虞氏富樂之日久矣而常有輕易人之
志吾不侵犯之而乃辱我以腐鼠此而不報無以立懂於

言言

倫

天下請與若等戮力一志率徒屬必滅其家為等倫許
諾至期日之夜聚眾積兵以攻虞氏大滅其家東方有人
焉曰爰旌目將有適也而餓於道狐父之盜曰丘元而下
壺餐以饋之爰旌目三饋而後能視曰子何為者也曰我
狐父之人丘也爰旌目曰譖汝非盜邪胡為而餐我吾義
不食子之食也兩手據地而嘔之不出嗒嗒然遂伏而死
狐父之人則盜矣而食非盜也以人之盜因謂食為盜而
不敢食是失名實者也柱厲叔事莒敖公自為不知已去
居海上夏日則食菱芰冬日則食橡栗莒敖公有難柱厲
叔辭其友而往死之其友曰子自以為不知已故去今往
死之是知與不知無辨也柱厲叔曰不然自以為不知故

去今死是果不知我也。吾將死之以醜後世之人。主不知其臣者也。凡知則死之。不知則弗死。此直道而行者也。柱厲叔可謂懟以忘其身者也。楊朱曰：利出者實及，怨往者害來。發於此而應於外者，唯請是故。賢者慎所出。楊子之鄰人亡羊，既率其黨又請楊子之豎追之。楊子曰：善亡一羊，何追者之衆？鄰人曰：多岐路。既又問獲羊乎？曰：亡之矣。曰：奚亡之？曰：岐路之中又有岐焉，吾不知所之，所以反也。楊子戚然變容不言者移時，不笑者竟日。門人怪之，請曰：羊豈畜又非夫子之有，而損言笑者何哉？楊子不答。門人不獲所命，弟子孟孫陽出以告心都子。心都子曰：與孟孫陽作入而問曰：昔有昆弟三人游齊魯之間，同師而學


進仁義之道而歸。其父曰：仁義之道若何？伯曰：仁義使我愛身而後名。仲曰：仁義使我殺身以成名。叔曰：仁義使我身名並全。彼三術相反而同出於儒。孰是孰非邪？楊子曰：人有濱河而居者，習於水，勇於泅，操舟鬻渡，利供百口，操糧就學者成徒，而溺死者幾半。本學泅，不學溺，而利害如此。若以為孰是孰非，心都子默然而出。孟孫陽讓之曰：何五子問之迂，夫子答之僻，吾惑愈甚。心都子曰：大道以多岐亡羊，學者以多方喪生。學非本不同，非本不一，而未異若是。唯歸同父一為亡得喪，子長先生之門習先生之道而不達先生之况也。哀哉！揚朱之弟曰布，衣素衣而出，天雨，解素衣，衣緇衣，而反。其狗不知迎而吠之。揚布怒，將扑

之楊朱曰子無朴矣子亦猶是也嚮者使汝狗白而往黑
而來豈能無怪哉楊朱曰行善不以爲名而名從之名不
與利期而利歸之利不與爭期而爭及之故君子必慎爲
善昔人有言有知不死之道者燕君使人受之不捷而言
者死燕君甚怒其使者將加誅焉幸臣諫曰人所憂者莫
急乎死已所重者莫過乎生彼自喪其生安能令君不死
也乃不誅有齊子亦欲學其道聞言者之死乃撫膺而恨
富子聞而笑之曰夫所欲學不死其人已死而猶恨之是
不知所以爲學胡子曰富子之言非也凡人有術不能行
者有矣能行而無其術者亦有矣衛人有善數者臨死以
訣喻其子其子志其言而不能行也他人問之以其父所

言告之問者用其言而行其術與其父無差焉若然死者
矣爲不能言生術哉邯鄲之民以正月之旦獻鵠於簡子
簡子大悅厚賞之客問其故簡子曰正旦放生示有恩也
客曰民知君之欲放之故競而捕之死者衆矣君如欲生
之不若禁民勿捕捕而放之恩過不相補矣簡子曰然齊
田氏祖於庭食客千人中坐有獻魚鴈者田氏視之乃歎
曰天之於民厚矣殖五穀生魚鳥以爲之用衆客和之如
響鮑氏之子年十二預於次進曰不如君言天地萬物與
我並生類也類無貴賤徒以小大智力而相制造相食非
相爲而生之人取可食者而食之豈天本爲人生之是蚊
蚋嗜膚虎狼食肉非天本爲蚊蚋生人虎狼生肉者哉齊

有貧者常乞於城市，城市患其亟也，衆莫之與。遂適田氏之廐，從馬醫作役而假食。郭中人戲之曰：「從馬醫而食不以辱乎？」乞兒曰：「天下之辱莫過於乞，乞猶不辱，豈辱馬醫哉？」宋人有遊於道，得人遺契者，歸而藏之，密數其齒，告鄰人曰：「吾富可待矣。」人有枯梧樹者，其鄰父言枯梧之樹不祥，其鄰人遽而伐之。鄰人父因請以爲薪，其人乃不悅。曰：「鄰人之父徒欲爲薪而教吾伐之也，與我鄰若此，其險豈可哉？」人有亡鈇者，意其鄰之子，視其行步竊鈇也，顏色竊鈇也，言語竊鈇也，作動態度無爲而不竊鈇也，俄而相搗其谷而得其鈇，他日復見其鄰人之子，動作態度無似竊鈇者。白公勝憊亂罷朝而立，倒杖策轂上貫頤，血流至地而見金。

弗知也。鄭人聞之曰：「順之忘將，何不忘哉？」意之所屬者，其行足躓，株塤頭抵植木，而不自知也。昔齊人有欲金者，清旦衣冠而之市，適鬻金者之所，因攫其金而去。吏捕得之，問曰：「人皆在焉，子攫人之金，何對？」曰：「取金之時，不見人，徒見金。」



Faint vertical text columns, likely bleed-through from the reverse side of the page. The characters are difficult to decipher but appear to be in a traditional Chinese script.

